





辛卯三月就明佳氏書目宋刻殘本所校各字  
對彙一過其中亦有未訛而復正訛者可見疏  
漏不免惜不獲原書一細勘之祖同記



辛卯十一月復以滂喜齋所藏宋槧長短句  
景印本校一過宋槧亦小有脫訛但長相思  
一詞竟補五字否則真不可誦矣祖同記





重刻淮海集序

淮海集者宋高郵秦公觀少游之作也記者曰淮海集三十卷淮海閒居集十卷淮海詩餘一卷宋史謂文集四十卷蓋合前二集而言也經籍考歌詞有淮海集一卷即詩餘也版舊藏國子監歲久漫漶儀真黃雪洲中丞瓚一刻于山東高郵張世文州守經叅校監本黃本再刻于鄂州為淮海集四十卷為後集六卷為長短句分卷



辛卯三月... 淮海集... 宋史... 文集四十卷... 蓋合前二集而言也

淮海集... 宋史... 文集四十卷... 蓋合前二集而言也

淮海集... 宋史... 文集四十卷... 蓋合前二集而言也

淮海集... 宋史... 文集四十卷... 蓋合前二集而言也

淮海集... 宋史... 文集四十卷... 蓋合前二集而言也

淮海集... 宋史... 文集四十卷... 蓋合前二集而言也

淮海集... 宋史... 文集四十卷... 蓋合前二集而言也

淮海集... 宋史... 文集四十卷... 蓋合前二集而言也



上中下亦庶幾還其舊矣未久鄂版復燬于火縉紳才哲過公故里不見公遺文往往惋惜而去高郵州守胡君民表謂此表揚先哲盛舉不容但已也乃請于

侍御雲汀齊公將捐俸復刻以傳雲汀許之工既告成復以雲汀命問序于儀儀辭遜再四不獲乃作而言曰淮海集豈可不傳哉嘗聞蘇長公謂李廌曰少游之文如美玉無瑕琢磨之工殆未有出其右者張

文潛則謂少游平生為文甚多而一一精好可傳呂居仁則謂少游雖從東坡遊而其文乃自學西漢邢和封則謂少游文如鍾鼎然其體質重而簡易其刻畫篆文則后之鑄師竭力莫能彷彿是非公文章之定品乎長公初見公黃樓賦以為有屈宋才及居惠州得公書詩讀之嘆曰如在齊聞韶也王介甫則謂公詩清新婉麗鮑謝似之呂氏則謂少游過嶺後詩嚴重高古



自成一家朱晦翁則謂少游詩甚巧亦謂之對客揮毫想渠合下得句便巧是非公詩賦之定品乎史謂少游長於議論文嚴而思深黃魯直亦謂議論文字乃特付之少游是非公議論之定品乎陳後山云今之詞手惟秦七黃九朝溪子則謂少游歌詞當在東坡上是非公歌詞之定品乎後學熟味而精擇之真見如諸公之所評品者而更權度於吾心斯為善讀淮海集者

也抑公雖與長公同井而不坐其放言之失雖為介甫賞識而不入于熙豐之黨文章華國議論通達國體而不為詭遇少貶以徇人當時孫莘老徐仲車皆安定先生門人也公與之詩文往復嚴澤切嗟甚多且其少年高志非為親養則不復應舉登第教其弟觀觀及子湛相繼皆以詩文名世則公之事親也事君也友弟也教子也擇交也天秩人倫可謂無慚德矣不幸為



群奸所擠屢投窮荒百折不回竟以遷死  
君子猶以世豈復有斯人悲之此誦其詩  
讀其書者所以貴知其人論其世也淮海  
集豈可不傳也哉嗟乎昔人以詩文鳴世  
而人品未足稱重者有矣雖其集刻之傳  
亦未免為訾議之資爾何足貴哉益見淮  
海集之不可不傳也已

嘉靖乙巳孟夏月庚子日後學江都盛儀  
拜書

秦少游先生淮海集序

同郡後學張紘撰

縱每進見搢紳先生未有不詢及秦公者流風  
遺韻隱然如高山巨川人皆識其為一鄉之望  
迺知地以人而勝也然公沒已數百年而盛名  
不泯亦以文之有傳焉耳北監舊有集板歲久  
漫漶近日山東新刻不全予迺以二集相校刻  
之郡齋序曰凡古人之文有緒餘有精華有源  
本得其源本則精華悉舉之矣况緒餘乎今夫  
江河之水東流入於海而岷陽崑崙則其發源



之地草木花實之盛其得於地土之力必厚矣  
名勝傳世之文亦江河之流草木之花實也獨  
不有源本者乎故曰其源深者其流長其本殖  
者其末茂夫秦公之名世亦豈偶然哉今之後  
生聞風興慕者率惟其緒餘是好不復知其精  
華源本以是求公不亦遠乎蓋其逸情豪興圍  
紅袖而寫烏絲驅風雨於揮毫落珠璣於滿紙  
婉約綺麗之句綽乎如步春時女華乎如貴游  
子弟此特公之緒餘者耳至於灼見一代之利  
害建事揆策與賈誼陸贄爭長沉味幽玄博參

諸子之精蘊雄篇大筆宛然古作者之風此則  
其精華也迺若孝友出於天性行義孚於朋友  
少年慨慷論事嘗有繫管二虜回幽夏故墟之  
志方王氏用事時公能少貶其說可立登顯要  
獨守正不撓乃至謫死窮荒沒齒無怨是其曠  
廣高懷藐萬鍾而弗顧堅操勁氣歷九折而不  
回中之所存有過人者浩然一傳其殆自見也  
嗚呼以此為文茲其所以名世者耶豈非吾鄉  
百世之師乎孟子論夷惠清和而稱其為百世  
之師他日又謂伯夷隘柳下惠不恭隘與不恭



君子不由者何耶蓋聖之清和此其源本也隘  
不恭則緒餘末流之弊耳是以君子由其清和  
不由其隘不恭也夫公之文旣已著於天下矣  
余小子其敢以譎陋贅言獨念公一鄉之望恐  
向慕者昧於所求序而論之使知公之名世乃  
在此而不在彼也公名觀少游其字一字太虛  
高郵人淮海其名集云嘉靖己亥秋九月望日  
書于鄂之石鏡亭

宋史傳

秦觀字少游一字太虛揚州高郵人少豪雋慷慨溢  
於文詞舉進士不中強志盛氣好大而見竒讀兵家  
書與己意合見蘇軾於徐為賦黃樓軾以為有屈宋  
才又介其詩於王安石安石亦謂清新似鮑謝軾勉  
以應舉為親養始登第調定海主簿蔡州教授元祐  
初軾以賢良方正薦于朝除太學博士校正秘書省  
書籍遷正字而復為兼國史院編修官上日有硯墨  
器幣之賜紹聖初坐黨籍出通判杭州以御史劉拯  
論其增損實錄貶監處州酒稅使者承風望指候伺



過失既而無所得則以謁告寫佛書為罪削秩徙郴州繼編管橫州又徙雷州徽宗立復宣德即放還至藤州出游華光亭為客道夢中長短句索水欲飲水至笑視之而卒先自作挽詞其語哀甚讀者悲傷之年五十三有文集四十卷觀長於議論文麗而思深及死軾聞之歎曰少游不幸死道路哀哉世豈復有斯人乎弟覲字少章觀字少儀皆能文

淮海集目錄

卷第一

秦觀 少游

浮山堰賦 并引

黃樓賦 子瞻詩附

寄老庵賦

湯泉賦 子瞻跋尾

歎二鶴賦

郭子儀單騎見虜賦

和淵明歸去來辭

卷第二 古詩

泊吳興西觀音院

三老堂

送周裕之赴新息冷

寄魯逢原

送僧歸遂州

司馬遷

觀易元吉雉倮圖歌

夜坐懷莘老司諫



谷朱廣徵

送僧歸保寧

和王通叟琵琶夢

醫者

漫郎

記夢谷劉全美

田居

寄題傅欽之草堂

次韻徐仲車見寄

次韻邢敦夫秋懷

卷第三 古詩

春日雜興十首

和辛老題召伯斗野亭

和虛飄飄子瞻魯直詩附

和游金山子由子駿詩附

同子瞻端午日游諸寺賦得深字子瞻詩附

寄陳季常

卷第四 古詩

同子瞻賦游惠山子瞻參寥詩附

馬上口占

別子瞻學士詩附

和黃法曹憶建溪梅花子瞻參寥詩附

送少章弟赴仁和簿

送李端叔從辟中山

卷第五 古詩

贈蹇法師

送劉貢父舍人二首

南京妙峰亭

次韻奉酬丹元先生

送裴仲謨

題雙松寄陳季常

徐仲車食於學官吏或以為不可云云

次韻夏侯太冲

送張叔和兼簡魯直

題驪裏圖

和東坡紅鞋帶

和王忠玉提刑

題楊康功醉道士石

送蔡子驥用蔡子駿韻

飲酒詩



艇齋并序

和裴仲謨放免行

和裴仲謨摘白鬚行

卷第六古詩

寄寂齋用孫子實韻

南都新亭行寄子發

反初

寄尊薑法魚糟蟹

精思

送楊康功

偶戲

次韻黃冕仲寄題順興步雲閣

正仲左丞生日

病犬

賜女冠暢師

和子瞻獲石

徐得之閑軒

雷陽書事

海康書事

次韻曾存之嘯竹軒

游仙

次韻蒼張文潛病中見寄

送喬希聖

與子瞻會松江得浪字

卷第七

律詩 五言 七言

德清道中還寄子瞻

次韻子由斗野亭子由詩附

鮮于子駿生日

輦下春晴

睡起

次韻莘老初至湯泉莘老詩附

過六合水亭懷裴博士次韻三首

懷孫子實

對淮南詔獄二首

次韻蒼米元章

宿參寥房

次韻穎叔南郊告祭上清宮

次韻米元章齋居即事 次韻酬陳傳道

次韻傳道自適兼呈芸叟士

擬郡學試東風解凍

駕幸太學



題虛樂亭三首

懷李公擇次韻三首

題湯泉二首

題王欽之自圓庵

流觴亭二首

游龍門山次程公韻

游龍瑞宮次程公韻

次韻朱李二君見寄

睡足軒二首

卷第八 律詩 七言

寄孫莘老

次韻馬忠玉喜王定國還自濱州

寄李公擇

寄李端叔

寄題倪敦復北軒

寄題盧君斗齋

次韻周開祖

送王元龍赴泗州糧料

次韻子由九曲池詩子由附

次韻子由平山堂詩子由附

次韻子山蜀井詩子由附

次韻子由摘星亭詩子由附

次韻子由光化塔詩子由附

次韻子瞻贈金山寶覺

大師詩子瞻附

游鑑湖

謁禹廟

蓬萊閣程詩附

別程公闕程次附

中秋口號

子瞻欲使高麗不行

卷第九 律詩 七言

顯之禪老許草庵見處 再用韻

和游龍洞寄孫傳師唱首參

送蔣穎叔師熙河二首 和劉僕射感舊言懷

上巳日詔賜宴集二首 清明前一日李觀察席

上得風字 次韻羅正之惠絲扇

寄題新息王令藏春塢 送劉承議解職歸養



次韻王仲至侍郎 慶張君俞得子

寄題澄碧軒 寄張文潛

次韻裴君上向守二首 次韻向守登樓眺望

寄錢節 贈劉景文四首

答龔深之 次裴仲謨韻

答曾存之 春日寓直懷參寥

次韻裴仲謨和何先輩二首

答閻求仁謝參寥溫訪於墳所

次韻劉遜父以寧齋 次韻何子溫

次韻宋履中謁大慶退食館中

與鄧慎思沐於啓聖遇李端叔

和程給事贊閣黎化去之什

再賦流觴亭 燕觴亭

會蓬萊閣 次韻侍祠南郊

與李端叔游智海用前韻

和黃冕仲寄題延平冷風閣

次韻謝李安上惠茶 次韻范純夫戲荅李方叔

寄少儀弟 九月八日夜大風雨云

送林次中奉使契丹二首

送平仲學士

卷第十 絕句

寄孫傳師著作 泗州東城晚望

戲雲龍山人二首 和圓通白衣閣二首 唱首附

昭閣 睡足寮寄震島二弟



次韻參寥見別 與倪老伯輝宿九曲池有懷

春日五首 秋日三首

次韻子由召伯埭見別三首子由詩附

還自廣陵四首 元日立春三首

次韻宋履中題李侯檀樂亭

春日偶題呈錢尚書錢穆父詩附

辱錢尚書和詩送米錢穆父送米詩附

擬題織錦圖古詩附 晚出左掖

次韻蔡子駿瓊花 處州水南庵二絕

三月晦日偶題 次韻東坡上元扈從三絕

卷第十一

四絕句 別牛司理

送酒與泗州張守 題柳陽道中古寺壁二絕

又別牛司理 和工部侍郎新章

題金華山寺壁 次韻出省馬上有懷蔣

穎叔詩附 元祐三年召至京師云云

客有遺予以假山石盆云云

興國浴室院獨坐時兒子湛就試未出

題趙團練畫江干晚景四絕

夢中得此 寧浦書事

題務中壁間 題法海平閣黎

留別平閣黎

卷第十二 進策

序篇

國論



主術

治勢上

治勢下

卷第十三 進策

安都

任臣上

任臣下

朋黨上

朋黨下

卷第十四 進策

人材

法律上

法律下

論議上

論議下

卷第十五 進策

官制上

官制下

卷第十六 進策

財用上

財用下

將帥

奇兵

辯士

謀主

卷第十七 進策

兵法

盜賊上

盜賊中

盜賊下

卷第十八 進策

邊防上

邊防中

邊防下

卷第十九 進論

鼂錯

韋元成



石慶

張安世

卷第二十進論

李陵

司馬遷

李固

陳寔

卷第二十一進論

袁紹

魚肅

諸葛亮

臧洪

王導

崔浩

卷第二十二進論

王儉

韓愈

李泌

白敏中

李訓

王朴

卷第二十三論

擬郡學試近世社稷之臣論

聖人繼天測靈論

變化論

君子終日乾乾論

以德分人謂之聖論

卷第二十四傳

浩氣傳

卷第二十五傳說

陳偕傳

眇倡傳

魏景傳

汝水漲溢說

心說

二侯說

十二經合義

卷第二十六表

賀坤城節表

賀興龍節表



代賀太皇太后受冊表

代賀皇太后受冊表

代賀皇太后生辰表

代賀明堂禮畢表

代賀皇太妃受冊表

辭史官表

代蘄守謝上表

代程給事乞致仕表

代王承事乞回授一宮表

卷第二十七表

代謝勅書獎諭表

代謝加勳封表

代賀元會表

代謝工部侍郎表

代中書舍人謝表

代中書舍人謝上表

代南京謝上表

代中書舍人謝上表

代謝曆日表

卷第二十八啓

謝及第啓

賀呂相公啓

賀蘇禮部啓

賀中書蘇舍人啓

謝程公闢啓

謝館職啓

賀崔學士啓

代賀呂司空啓

代賀中書僕射范相公啓

代賀門下孫侍郎啓

代賀中書劉侍郎啓

卷第二十九啓

代賀王左丞啓

代賀胡右丞啓

代賀京西運判啓

賀京西運使啓

代賀簽書趙樞密啓

代賀蔡相公啓

代賀司馬相公啓

代賀胡右丞知陳州啓

代賀錢學士啓

代賀提刑啓



代回胡右丞年節啓

代回呂吏部啓

代謝中書舍人啓

代賀運使啓

代賀提刑落權祭遣字啓

謝胡晉侯啓

代參寥與鍾公實啓

卷第三十 簡

荅傅彬老簡

與蘇先生簡

與邵彥瞻簡

與孫莘老簡

與黃魯直簡

與蘇子由著作簡

與李德叟簡

與蘇黃州簡

與李樂天簡

與參寥簡

卷第三十一 文

謁先師文

祈晴文

祭馬通議文

弔鍾鍾文

遣瘡鬼文

祭洞庭文

謁宣聖文

告狄梁公文

告李太尉文

祭勾芒神文

代蔡州太守謁先聖文

謁獄廟文

謁城隍文

祈晴文

謝晴文

卷第三十二 文 疏

謝雨文

獲賊祭廟文

赦後省賽文

祭歐陽夫人文

祭韓康公文

祭酺神文

登第後醮謝青詞

代蔡州進興龍節功德疏



正賜庫功德疏

興龍節功德疏二道

蔡州進生辰疏

神宗功德疏

高郵長老開堂疏

寶林開堂疏

乾明開堂疏

醴泉開堂疏

卷第三十三誌銘

李狀元

慶禪師塔銘

葛宣德墓銘

徐氏墓銘

虞氏墓銘

李氏墓銘

掩關銘

劉氏研銘

穎師研銘

瀘州任使君墓表

卷第三十四贊跋

龍丘子真贊

李潭漢馬圖贊

南都法寶二長老真贊

建隆慶和尚真贊

書王蠟後事

書輞川圖後

高無悔跋尾

裴秀才跋尾

錄壯愍劉公遺事

卷第三十五跋

法帖通解序

漢章帝書 史籀李斯書

倉頡書 鍾繇書

仲尼書 懷素書

書曷賢圖後

書蘭亭叙後

卷第三十六狀

鮮于子駿行狀

徐主簿行狀

蔡氏行狀

圓通禪師行狀

錄寶林事實

代蔡州進銀絹狀

代蔡州進瑞麥圖狀

代薦蔡奉議狀



卷第三十七書

上王岐公論薦士書

上呂晦叔書

謝王學士書

謝曾子開書

與喬希聖論黃連書

與鮮于學士書

婚書

卷第三十八記

御書手詔記

五百羅漢記

雪齋記

龍井記

龍井題名記子瞻跋尾附

間軒記

芝室記

祖氏先塋芝記

羅君生祠記

蔡州勅書獎諭記

游湯泉記

卷第三十九序

俞紫芝字序

曹魏州序

逆旅詩序

揚州集序

會稽唱和詩序

懷樂安蔣公唱和詩序

送錢秀才序

王定國注論語序

集瑞圖序

送馮梓州序

卷第四十哀挽

大行皇太后挽詞二首

韓樞密夫人挽詞二首

俞公達待制挽詞二首

陳承事挽詞

永壽縣君挽詞

曾子固哀詞

蔡氏哀詞

時宣義挽詞

中書侍郎挽詞

呂與叔挽詞



東平夫人挽章

謝封李公挽童

孫辛老挽詞

陳用之挽詞四首

滕達道挽詞二首

自作挽詞

嘉靖己亥孟秋刊

淮海集目錄

淮海集卷第一

浮山堰賦并引

秦觀少游



梁武帝天監十三年用魏降人王足計欲以淮水灌壽陽乃假太子右衛康絢節督卒二十萬作浮山堰於鍾離而淮流湍駛漂疾將合復潰或曰淮有蛟龍喜乘風雨壞岸其性惡鐵絢以為然乃引東西冶鐵器數千萬斤益以薪石沉之猶踰年乃合堰袤九里水逆淮而上所蒙被甚廣魏人患之果徙壽陽戍頰八公山餘民分就岡壠未幾淮暴漲堰壞奔于海有聲如雷水之怪祇蔽流而下死者數十萬人初鎮星犯天江而堰實退舍而壞嗚呼異哉感而作浮山堰賦其詞曰



繫四瀆之並釀兮寔脉絡於坤靈惟長淮之澌漫兮自  
桐栢而發源貫江河以下驚兮拉泗沂而左奔走猙雷  
以赴海兮駕扶搖而薄山固元氣之宣節兮熄衆兆之  
災患粵蕭梁之服命兮抗北魏以爭衡信降虜之詭計  
兮阻湯湯而倒征依兩崖以受土兮羗合脊於中央捷  
竹留石之不足兮又沈鐵以厭不祥袤九里以中峙兮  
截萬派之奔茫大隄屹乎如墉兮杞柳薨其成行展源  
深而支末兮雖暫否而必通倏鯨吼以奔潰兮與蒼蒼  
而俱東若燃犀之照渚兮旅百怪而爭遁駢馬怒而噓  
蹠兮虎蛟咆而相糾哀死者之數萬兮孤魂逝其焉游  
背自然以司鑿兮固神禹之所惡世苟近以昧遠兮或  
不改其此度螳蜋怒臂以當車兮飛衛銜石而填海憐

梁人之不思兮卒取非於異代豈方迫於尋引兮不遑  
議夫無窮將姦臣取容以幸入兮公相援而欺蒙抑五  
材囚壯之有數兮特假手於憧憧系曰敦阜寇冥大川  
屯精氣扶輿變乾文運徒力頓漂無根潮波復故彌億  
年

黃樓賦 并引

太守蘇公守彭城之明年既治河決之變民以更生又  
因修繕其城作黃樓於東門之上以為水受制於土而  
土之色黃故取名焉樓成使其容高郵秦觀賦之其詞  
曰惟黃樓之瓌瑋兮冠雉堞之左方挾光晷以橫出兮  
干雲氣而上征既要眇以有度兮又洞達而無旁斥丹  
艤而不御兮爰取法乎中央列十山而環峙兮交二水



而旁奔岡陵奮其攫拏兮谿谷效其吐吞覽形勢之四  
塞兮識諸雄之所存意天作以遺公兮慰平日之憂勤  
繫大河之初決兮狂流漫而稽天御扶搖以東下兮紛  
萬馬而爭前象罔出而侮人兮螭蜃過而垂涎微精誠  
之所貫兮幾孤墉之不全偷朝夕以昧遠兮固前識之  
所羞慮異日之或然兮復厭乏以茲樓時不可以驟得  
兮姑從容而浮遊儻登臨之信美兮又何必乎故丘觴  
酒醪以為壽兮旅殺核以為儀儼雲鬢以侍側兮笑言  
樂而忘時發哀彈與豪吹兮飛鳥起而參差悵所思之  
遲暮兮綴明月而成詞噫變故之相詭兮道傳馬之更  
馳昔何負而遑遽兮今何暇而遨嬉豈造物之莫詔兮  
惟元元之自貽將苦逸之有數兮疇工拙之能為臆哲

人之知其故兮蹈夷險而皆宜視蚊虻之過前兮曾不  
介乎心思正余冠之崔嵬兮服余佩之焜煌從公於斯  
樓兮聊裴回以徜徉子瞻謝詩云太虛以黃樓賦見  
樓詩忽得故人書中有黃樓詞黃樓高十丈下建五丈  
旗楚山以為城泗水以為池我詩無傑句萬景驕莫隨  
夫子獨向妙雨電散雷推雄辭雜今古中有屈宋姿南  
山多磬石清滑如流脂朱蠟為摹刻細妙分毫釐佳處  
未易識當有來者知

寄老庵賦

或問孫先生之遊湯泉山也嘗於佛祠之旁二松之下  
誅籬草茅平夷土塗規以為庵曰寄老焉予時實從與  
見其事願揚摧而陳之僕曰唯唯寄老之區在於湯泉  
實惟歷陽東城之域山林鬱其修阻水土婉而滋息風  
和氣平物無癘疫其出遊也南則峰巒經亘二百餘里



前望建業之都却顧項王之亭龍窟呀其旁出江漫漫而徂征東則惠濟真相二刹相望殿寢中開四注脩廊間從遊子於焉相羊沈燎茗飲樂未渠央西則赭落之前三井天出幽瑟白浪明晦如一旁輪有斛上庇有室解衣入遊百疾為失北則瓦梁之河陰陵之澤水潦之所聚會魚鼈之所充斥芡菱蒲蓴毛髮之富被及鄰國其入居也則閉關却掃反聽收視內外既進與妙自會湛乎若玉淵之澄枵然如槁木之廢其游也其居也無所適而非道者世奚足以識之哉雖然先生方為侍從之臣克諫諍之官論思獻納日不遑給雖欲復從二三子於寄老之上未可得也一旦功成事畢引老乞身天子憫之不煩以政公卿大夫設祖道供帳於國門之外

酒闕升車望寄老而歸焉則僕也亦將負杖屢而從之矣

湯泉賦

大江之濱東城之野有泉出焉直回峰負深谷分埒引源迤邐相屬晨夜有聲洎雲注玉薄為虎鬚狀為魚目鱗介莫潛遇者斯浴此何水也哉野老告余曰泓泓洎洎莫虞歲年不火而燠其名湯泉嗚呼豈非熒惑莅於上耶燭龍隱於中耶旁通咸池日御之所經耶幽精沈魄陰償其負耶丹砂黃硫金石之氣酷悍之所激耶德有常仁惠公而浹寒凝海兮不冰旱焦山兮不竭其或燥濕外干精氣散越膚革瘡瘍憊筋淫血欣滌汨之甦游恍幽憂之永脫以沐則髮澤以頽則膚悅其羨流冗浸捐棄於溝壑者猶能灌蔬稻之畦已牛馬之喝此又



何其然耶吾聞天下之水厥類寔繁至於弱水儲陰投羽必沈火井萃陽爛石灼金祥標醴泉病飲而瘳異紀滋穴神瀆以流焦溪乏晉蔓之飾沸潭謝聲取之游其餘酒墨所發膠鹽是滋啜懷千金飲狂一國哀玉乳以中涵橫金絲而徑度詭品繆名紛莫為數咸受命於元精亦各私其所遇若夫匡廬汝水之旁尉氏驪山之下烟菲掩褥王孫鳥隼之所娛金穴椒房專寵靡曼之所占則湯泉之中又有顯晦者焉野老鞞然而笑曰善乎齊給之士曳杖而去行歌於塗曰淠淠滂沲奮此泉兮被彼山阿吾唯灌沐兮不知其他

子瞻跋云余之所聞湯泉七其五則今三子之所遊與大虛之所賦所謂匡廬汝水尉氏驪山其二則余

之所見鳳翔之駱谷與渝州之陳氏山居也皆棄於窮山之中山僧野人之所浴麋鹿猿獠之所飲惟驪山當往來之衝華堂玉甃獨為勝絕然坐明皇之累為楊李祿山所汙使口舌之士援筆唾罵以為亡國之餘辱孰甚焉今惠濟之泉獨為三子者詠嘆如此豈非所寄僻遠不為當塗者所溷而為高人逸才與世異趣者之所樂乎或曰明皇之累楊李祿山之汙泉豈知汙之然則幽遠僻陋之歎亦非泉所病也泉固無所榮辱特以人意推之可以為抱器適用而不擇所處者之戒元豐元年十月五日

歎二鶴賦

廣陵郡宅之園有二鶴焉昂然如人處乎幽間翅翮摧



傷而弗能飛翻雖雄雌之相從常悒悒其鮮懽時引吭而哀唳若對客而求嘆圃吏告子曰此紫薇錢公之鶴也公熙寧時實守此邦心虛一而體道治清淨而忘言既不耽乎豆觴又不嗜乎匏絃惟此二鶴與之周旋居則俛仰於賓掾之後出則飛鳴乎導從之先故鶴之來也則知使君之將至鶴之往也則知使君之將還是時一郡之人好甚於姻敬愈於客如愛子之居家若寵臣之在國晝從乎風亭之濱夜棲乎月臺之側謂此幸之可常頗超搖而自得建公之去于今幾時人各有好鶴誰汝私具名物於有司雞鶩易而侮之傍軒楹而蒙叱歷階祀而遭麾惟主人之故客間一遇而嗟咨余聞而嘆曰噫嘻有恃而生者失其所恃則悲彼有啄乎腐莫

之野飲于清冷之淵隨林丘而止息順風氣而騰騫一鳴九臯聲聞于天若然者又豈衛侯之能好而支遁之可憐哉

郭子儀單騎見虜賦汾陽征虜壓以至誠

回紇入寇汾陽出征何單騎以見虜蓋臨戎而示情匹馬雄趨方傳呼而免曹諸羗駭矚俄下拜以投兵方其唐祚中微胡塵內侮承范陽倡獫之亂值永泰因循之主金縢不足以塞其貪嗜鎧仗不足以止其攘取雲屯三輔但分諸將之兵烏合萬群難破重圍之虜子儀乃外弛嚴備中輸至誠氣干霄而直上身按轡以徐行於是露刃者膽喪控弦者骨驚謂令公尚臨於金甲想可汗未厭於寰瀛頓釋前憾來尋舊盟彼何人斯忽去幢



幡之盛果吾父也敢論戈甲之精豈非事方急則宜有  
異謀軍旣孤則難拘常法遭彼虜之悍勁屬我師之困  
乏校之力則理必敗露示以誠則意當親狎所以徹衛  
四環去兵兩夾雖鋒無鎔邪之銳而勢有泰山之壓據  
鞍以出若乘擒虎之驟失仗而驚如棄華元之甲金石  
至堅也以誠可動天地至大也以誠可聞矧爾熊羆之  
屬困乎蛇豕之群於是時也將乘驕而必敗兵不戢則  
將焚惟有明信乃成茂勲吐蕃由是而引歸師殲靈夏  
僕固於焉而異卒禍息并汾非不知猛虎無助也受侮  
於狐狸神龍失水也見侵於螻蟻曷為鋒鏑之交下遽  
遺紀綱而不以蓋念至威無恃於張皇大智不資於恢  
詭遠同光武輕行銅馬之營近類曹成獨造國良之壘

向若然結不解痼連未央眷威嚴於將軍之幕角技巧  
於勇士之場攻且攻兮天變色戰復戰兮星動芒如此  
則雖驍雄而必弊顧創病以何長符秦夸南伐之師坐  
投肥水新室恃北來之衆立潰昆陽固知精擊刺者非  
為將之良敢殺伐者非用兵之至況德善之身積宜福  
祥之天畀故中書二十四考焉由此而致

和淵明歸去來辭

歸去來兮眷眷懷歸今得歸念我生之多艱心知免而  
猶悲天風飄兮余迎海月烟兮余追省已空之憂患疑  
是夢而復非及我家於中途兒女欣而牽衣望松楸而  
長慟悲心極而更微升沈幾何歲月如奔嗟我宿昔通  
籍壁門賜金雖盡給札尚存愧此散木繆為犧尊屬黨



論之云興雷霆發乎威顏淮南謫於天庖予小子其何  
 安歲七官而五譴越鬼門之幽關化猿鶴之有日詎國  
 光之復觀忽大明之生東釋纍囚而北還醜天漢而一  
 洗覺宇宙之隨寬歸去來兮請逍遙於至游內取足於  
 一身復從物兮何求榮莫榮於不辱樂莫樂於無憂鄉  
 人告予以有年黍稷鬱乎盈疇止有弊廬泛有扁舟濯  
 予足兮寒泉振予衣兮古丘洞骨中之滯礙眇雲散而  
 風流識此行之匪禍乃造物之餘休已矣哉桔槔俛仰  
 無已時舉觴自屬聊淹留汝今不已將安之封侯已絕  
 念仙事亦難期依先塋而灑掃從稚子而耘耔脩杜康  
 之廢祠補由庚之亡詩為太平之幸老幅巾待盡更奚疑  
 淮海集卷第一

淮海集卷之二

古詩

泊吳興西觀音院

秦觀 少游

金刹負城闐闐然美栖止卞山直穹窿若水相依倚霜  
 檜鬱冥冥海棕鮮疑疑廣除庇夏陰飛棟明朝畧溪光  
 鳧鷖邊天色孤蒲裏緒風傳書瑟壁月窺夜禮洩雲羣  
 層空規荷鑑幽泚舳艫烟際下鍾磬林端起聲牙戲清  
 深嶽釜撲空紫所遇信悠然此生如寄耳志士耻溝瀆  
 征夫念桑梓攬衣軒楹間嘯歌何窮已

三老堂

趙少師張少通議

堂堂三元老業履冠儔匹寒諤橫秋霜高明麗朝日竝  
 道謁溫宣連科收甲乙東南奠藩服西北馳使驛解鞅



環堵安岸幘羶裘屈群姦懾聲歎衆廢起咄叱至今領  
麾地謳吟遍蓬華出入雖異途歸潔固如一晚厭方內  
遊把袂訪閑逸雲壑慶安車風川駛飛鷁獻酬埃堦外  
珠玉在揮筆風標傲松鶴顏髮移丹漆遂令吳越人藻  
繪恣稱述邈然超世姿髮髯得十七辟離禮寂滅麟閣  
事蕭瑟茲焉出民願名實更炳蔚琬琰琢高詞龍蘭燎  
深室福履既所綏光華無終畢

送周裕之赴新息令

丈人淮海英抗節浮雲外揮毫錯星錦抵掌參筭籟青  
春抱脩能脫略無范蔡晚營三徑資百里聊束帶扁舟  
歲欲徂古刹夜仍艾去去整羽儀行與高風會

寄曾逢原

孟夏氣候好林塘媚晴輝回渠轉清流藻荇相因依叢  
薄起踈籟衆鳥鳴且飛高城帶落日光景酣夕霏即事  
遠興託撫已幽思微超搖弄柔翰徙倚絃金徽美人貌  
雲眇志願固有違丹青儻不逾與子同裳衣

送僧歸遂州

寶師本巴蜀浪跡遊淮海定水湛虛明戒珠爛圓彩飄  
零鄉縣異晡晚星霜改明發又西征孤帆破烟靄

司馬遷

分韻得  
壑字

子長少不羈發軔遍丘壑晚遭李陵禍憤怍思遠託高  
辭振幽光直筆誅隱惡馳騁數千載貫穿百家作至今  
青簡上文彩炳金隲高才忽小疵難用常情度譬彼海  
運鵬豈復顧繒繳區區班叔皮未易議踈略



觀易元吉獐猿圖歌

參天老木相樛枝，嵌空怪石銜青漪。兩猿上下，一傍掛  
兩猿，孰視蒼蛙，疑蕭蕭叢竹。山風吹海棠，杜宇相因依。  
下有兩獐，從兩兒花，殮草嚙含春。嬉易老筆精，湖海推  
畫意，忘形形更奇。解衣一掃神，扶持他日自見猶嗟咨。  
金錢百萬酒千鴟，荆南將軍欣得之。老禪豪取橐為垂  
白晝掩明初，許窺房櫳炯炯明。夕曦榛藪羽革分，豪釐  
殘編未終，且歸讀歲暮。有間重借披。

夜坐懷莘老司諫次韻參寥

六合寥寥信茫昧，中有日月無根柢。古往今來漫不休，  
青髮素顏從此逝。嗟予自少多遭迴，氣血未衰心已艾。  
北渡長淮霜入履，南窺禹穴塵生袂。日鑿一竅渾沌死，

雖有餘風終破碎，碎回車復路可無緣。三問道人三不對。

答朱廣微

廣微才華殆天賦，十歲孤山有佳句。又夢東林飲虎溪，  
歎息清風人不悟。自爾所見無全牛，桐栢崑崙日傾注。  
葱蘢曉景破新花，踏踏老拳擒脫兔。身勤事在竟何成，  
巧迫化工天所怒。兩鬢鬢星星，滄海頭強學禪。那慰遲暮  
昨夜燈花吐，金粟曉烹鯉魚得尺素。笑我徜徉吳楚間，  
經卷酒卮隨所遇。人生迂意十八九月得解顏，能幾度  
著書準易空自疲。服藥求仙良亦悞，北風老矣無能為。  
行看黃鸝語飛絮，安得從君醉百場。落筆珠璣不論數。

送僧歸保寧

西湖環繞皆招提，樓閣晦明如卧披。保寧復在最佳處，



水光四合無端倪車塵不來馬足斷時有海月相因依  
上人弱齡已隸此心目所證惟瑰琦白玉芙蓉出清沼  
天然不受緇塵擾坐客一語不入意目如明星視飛鳥  
冠切雲兮佩玉難上人顧之真等閑應緣聊入人間世  
興盡却歸湖上山伊余久欲窺禹穴矧今仲父官東越  
行挽秋風入剡溪為君先醉西湖月

和王通叟琵琶夢

鸚鵡鳴時衆芳歇華堂夢斷音容絕風驚玉露不成圓  
一夜芙蓉泣秋月金紋捍面紫檀槽曾抱花前送酒舫  
庾郎江令費珠璧小研紅牋揮兔毫風流雲散令人瘦  
恐看麴塵昏錦綬楚水悠悠更不西上天破鑑空依舊

醫者

塊然一氣初渾淪散作六物相吐吞主承客禦勝復存  
是為萬物疾病原寥寥空被遊覽魂誨此法術成軒轅  
金書玉冊要不煩煥如星宿不可捫時遷聖祖遂幽昏  
弊俗竊以資利源余嘗感槩期明論世無妙質孰與言  
因君乞詩置屋軒聊復援筆賦本根

漫郎分韻得  
桃字

元公機鑿天所高中與諸彥非其曹自呼漫郎示直率  
日與聱叟為嬉遨是時胡星殞未久關輔擾擾猶弓刀  
百里不聞易五穀三士空傳殺二樵心知不得載行事  
俛首刻意追風騷字皆華星章對月漏洩元氣煩揮毫  
倚玕春深茂花竹九疑日暮吟哀綠紅顏白骨付清醪  
一官於我真鴻毛乃知達人妙如水濁清顯晦惟所遭



無時有祿亦可隱何必念龍巖遠遁逃

記夢夢答劉全美

歲逢困敦斗申指辰次庚辰漏傳子夢出城闈登古原  
草木榮天帶流水千夫荷鍤開久殯前有一人狀瓌偉  
素冠長跪丞酒斂云是劉郎字全美馬鳴車響斷還續  
人境晦明秋色裏既寤茫然失所遭河轉星翻汗如洗  
世傳夢凶常得吉神物戲人良有旨全美聲名海縣聞  
閉久當開乃其理娟娟二十四橋月月下吹簫聊爾耳  
洗眼看君先一鳴九萬扶搖從此始

田居四首

雞號四鄰起結束赴中原戒婦預為黍呼兒隨掩門犁  
鋤帶晨景道路更笑喧宿潦濯芒屨野芳替髮根霽色

披宵霜春空正鮮斂辛夷茂橫阜錦雉嬌空園少壯已  
雲趨伶俦尚鴟蹲解黃經雨潤野馬從風奔村落次第  
集隔塍致寒暄眷言月占好弩力競晨昏

入夏桑柘稠陰陰翳虛落新麥已登場餘蟹猶占箔隆  
曦破曾陰霽霽收遠壑雌蜺卧淪漪鮮飈泛藜薄林深  
鳥更鳴水漫魚知樂羸老厭煩敲鮮衣屢繫磚陰樹濯  
涼颼起行遺帶索冢婦餉初還丁男耘有託倒筒備青  
錢鹽茗恐垂橐明日輸絹租鄰兒入城郭

昔我蒔青秧廉纖屬梅雨及茲欲成穗已復頽星暑遲  
暮易昏晨搖落多砧杵村迥少過從客來旋炊黍興發  
即杖藜未嘗先處所褰裳涉淺瀨矯首沒孤羽藪祠土  
鼓悲野埭鷓鴣舞雉子隨販夫老翁拜巫女辛勤一作難



稼穡事惻愴田疇語得穀不敢儲催科吏旁午  
嚴冬百草枯鄰曲富休暇上井時一汲柴車久停駕寥  
寥塲圃空跼跼烏鳶下孤榜傍橫塘喧春起旁舍田家  
重農隙翁媪相邀逐班坐釀酒醪一行三四謝陶盤奉  
旨蓄竹筍羞雞炙飲酣爭獻酬語闕或悲咤悠悠燈火  
暗刺刺風飈射客散靜柴門星蟾耿寒夜富疑作當

寄題傅欽之草堂

河陽有湫流經營太行根盛德不終晦發為清濟源斯  
堂濟源上太行正當門仰視浮雲作俯窺流水奔脩竹  
帶藩籬百禽鳴朝暎相望有盤谷李愿故居存主人國  
之老實惟商巖孫班行昔供奉亟進逆耳言天子色為  
動群公聲亦吞蕭條冰霜際不改白玉温出處士所重

其微難具論公勿思草堂朝廷待公尊

次韻酬徐仲車見寄

渭清非勝涇蘭芳木無慕我生季葉中乃與古人遇  
職當供洒掃匏繫愧遲暮來章感存沒三讀淚如注

次韻邢敦夫秋懷十首

以微雲淡河漢疎雨滴梧桐為韻

驅車陟高丘却望大梁圻馳道入雙闕勾陳連太微夷  
門壯下屬清洛相因依美哉吾黨士臯尚良可希  
暮有二客至俱以能禪聞一枝惠林出一派智海分言  
各不相可往來劇絲棼謝客姑舍是妨余醉看雲  
昔者曾中書門戶實難暇筆勢如長淮初源可觴濫經  
營終入海欲語焉能暫斯人今則亡悲歌風慘愴  
渤海有巨鼇其顛冠差我宿昔嘗小抃八絃相盪摩忽



遭龍伯人一舉空潮波取皮煎作膠清此崑崙河  
蝮蛇初螫手壯士斲其腕豈不悲毀傷所卹在幹軀幹  
西羗沙鹵地置戍或煩漢雞肋不足云阿瞞妙思筭  
湯湯辟離流中有學子居但說若稽古言猶三萬餘來  
者轉相祖詞林日凋踈稍喜績溪令入校天祿書  
匠氏構明堂百材入斤斧儻非豫章棟冗長亦焉取英  
英范與蘇登師器識兼文武胡為先一州不用作霖雨  
憬彼高句麗來脩裔夷職天都富如海勞汝送涓滴軸  
臚尾相銜遠近困供億止沸當絕薪揚湯百無益  
祖宗舉賢良充賦多名儒執事惡言者此科為之無雖  
有仲舒錯或橫江潭魚果欲鳴鳳至還當裡檣梧  
邢侯秋臥痾揮毫見深衷廢者二三子翕然笙磬同不

為兒女姿頗形四方風屬有山水念因之絲與桐



淮海集卷之三

春日雜興十首

秦觀 少游

飄忽星氣徂青陽迫遲暮鳴飛各有適赤白紛無數雨  
砌墮危芳風軒納飛絮寒帶香霧橫岸幘雲峰度林影  
舞窸靡池光染衣履參差花鳥期躡躑琴觴趣撫事動  
幽尋感時遺近慕秣馬膏余車行行不周路

結髮謝外好僂俛希前修繆挾江海志耻為升斗謀齟  
歷難刻畫賤貧多學允發軔皆伊闕解驂憩邗溝丹鉛  
費未畧翹蕖毆深愁壁月墜簾櫳珠星絡梧楸泯泯渠  
水駛霏霏花霧浮公子悵何許撫膺徒離憂

潭潭故邑井符猗上宮蘭不食自清潔莫服更幽閒志



士耻弱植卷跡甘饑寒佳晨追良覲觸物懸悲端川途  
眇回遠經歲曠音翰豈不慕裘馬詭得非所安彈冕多  
怵迫繩樞歎憂患枉尋竟何補方枘誠獨難

吳會雖褊小海濱富奇峰天雞一號叫劍戟明遙空谿  
谷相徑復深林杳攢叢猿吟虎豹啼雲氣迷西東中有  
遯世士超然閱孤蹤被蘭服明月起坐松聲中夜鋸吸  
沉瀼朝琴庇青蕊騎星友元氣巢許安可同俛眄區中  
人飛埃集毛鋒問津或不繆從子游鴻蒙

東方有美人容華茂春粲抱影守單棲含睇理哀彈聲  
意一何切所歡邈雲漢徒然事膏沐孰與徂昏旦微誠  
浪自持嘉月忽復晏巧轉度虛櫺飛紅觸幽幔歲歲芳  
草滋夜夜明星爛合并會有時索居不必歎

寢瘵倦文史駕言從遨嬉颺風舉遙淑規日麗清漪含  
桃粲朱實杜若懷碧滋娉娉弱絮墮園園文魴馳明霞  
廓遠矚哀禽攪離思緜草天際合孤雲川上移寬閑絕  
輪鞅重複多路岐信美難久佇歸歎從所治

昔我遊京室交通五陵間主客各英妙袍馬相追攀千  
金具飲啜百金雀吹彈纓弁羅廣席當頭舞交竿鮮粧  
耀淥酒采纈生風瀾燈燭暗夜文士女紛相班歡娛易  
徂歇轉眄如飛翰疊疊負孤願離離銜永歡山鳥窺茗  
飲簷花笑疏殮棄捐勿重陳事定須蓋棺

客從遠方來遺我昭華管吹之動人心異境生虛窾礫  
礫青嶂橫泱泱春溜漸馬蹄交狹邪車轂錯平坦士女  
競芳辰禽魚蔭修竿依微認睇笑凌沒見織短停吹歎



泯滅耽耽復空館靈物信所珍顧恨知音罕

桃李用事辰鮮明奪雲綺繁華一朝去默默慚杞梓時

徂鷹化鳩地遷橘為枳獨有羨門生後天猶一作不死

藝籍燔祖龍斯文就淪喪帝矜黔首愚諸雋一作出相

望楊馬操宏綱韓柳激頽浪建安妙謳吟風槩亦超放

玉繩帶華月艷艷青冥上奕世希末光經緯得無妄兒

曹獨何事詆斥幾覆醬原心良自誣猥欲私所尚螳螂

拒飛轍精衛填溟漲咄咄徒爾為東海固無恙鶴鸞日

彫滅黃口紛冗長投袂歸層霄茲懷誰與亮

和孫莘老題召伯斗野亭 伯下脫埭字

淮海破冬仲雪霜滋不平菱荷枯折盡積水寒更清輟  
棹得佳觀湖天繞朱甍信美無與娛濁醪聊自傾北眺

桑梓國悠然白雲生南望古邳溝滄波帶蕪城村墟翳

茅竹孤烟起晨烹簷間鳥聲落客子念當行攬衣視日

景薄陰漏微明何時復來遊春風發鮮榮孫莘老偁云

曠澤千里平一渠閑防渚物色故不清老僧喜穿築比

戶延朱堯簷楹斗杓落簾幃河漢傾平湖杳無涯湛湛

春波平生結纜嗟已晚不見芙蓉城尚想紫雲鬢明珠出

新烹平齒有微尚一舟聊寄行遇勝輒偃蹇霜鬢刷澄

明可待齒牙豁歸歟謝浮雲黃魯直和云謝公所

築壞未歎曲池平蘇州來賦詩句與秋氣清結構擅空

閣湖光浮棟簷維斗天司南其下百清傾具宮產明月

含暉遍諸生盤薄淮海間風烟浸十城籟蕭吹木末浪

波泝庖烹我來抄搖落霜清見魚行白鷗遠飛回得我

若眼明佳日歸何時解衣繞廂榮蘇子瞻和云落

斗與牛錯落掛南麓老僧如宿昔一笑意已領新詩出

故人舊事疑前生吾生七往來送老海上城逢人輒自

豔得魚不忍烹似聞績溪老復作東都行小詩如秋菊

扁舟未得解坐待兩鬢平濁水汗人思野寺為我清

昔遊有遺詠枯墨存高薨故人獨未來一罇誰與傾北

風吹微雪暮寒依月生前望刊瀟路却指鐵壘城茅簷



小茲地江水供晨烹試問東坡翁畢老幾此行奔馳力  
不足隱約性愈明早為歸耕計免慙老僧榮張琬和  
清危亭下瞰野層閣高連麓起望斗與牛淮海相奔傾  
往來誰百年今昔我平生悠悠何所寓臺上多化城與  
其逐影死寧似不鳴烹出共應有止老矣將安行中庭  
拒子落大室霜月明此意竟蕭條猶然笑安榮張共  
叟和云我登其棠棣所向殊未平舟行汙地中頓失  
江潮清蛙聲亂僧與鳴吻赫市鼈意同伯嗜死苟與衛  
士傾開池種白蓮墨石擬三生鱗淹南斗墟終遠北斗  
城設我紫綉供報之白芽烹三年後鶴友萬里秦楚行  
秋風隴首至落日淮南明寄言懷士士慎勿慕官榮

和虛飄飄

虛飄飄虛飄飄風寒飄絮浪春暖履冰橋勢緩霜垂霞  
聲乾葉下條雨中漚點沒流水風裏綵雲鋪遠霄虛飄

飄比時光影猶堅牢

魯直倡 虛飄飄花飛不  
到地如起漫成橋入夢雲千疊遊

空絲萬條屋樓百尺登海鷗字一行書絳霄虛飄飄  
比人生命猶堅牢子瞻和 虛飄飄虛飄飄盡簷珠  
結網銀漢鵲成橋塵積雨梧葉霜飛風柳條露凝殘  
見紅日星曳餘光橫若霄虛飄飄比浮言利猶堅牢

和游金山

和子由同夜瞻

江流會揚子汜汜東南鷺海門劃前開金山屹中據鼓

鍾會萬指金臙棲千柱夜庭游月波曉觀搏香霧天清

猿鳥哀風暗魚龍怒雲物橫古今濤波閱晨暮三州氣

色來上下端倪露偉哉元氣間此勝知誰聚念昔懋精

廬登臨輒忘去汲新試團月飯素羹羊妙興入芳藤

真境在芒屨別來星暑換寤寐經從處忽蒙珠壁投了

與雲巒遇幽光炯肝肺爽氣森庭戶區中多滯念方外

饒竒趣寄語山阿人冷然行復御

陪彦瞻遊金山子由  
揚州望金山

隱隱大如憤竭來長江上孤高二千尺僧居巖山小面  
面貼蒼石虛樓三百間正壓江潮白清風歛霧曉日

矚金碧直侵魚龍居似有鬼神役我行有程度欲去生  
自惜風吹渡江水山僧午方食波翻洗我心筭歲飽我

腹平生足遊衍壯觀此云極鐵籠本誰安海門復誰植  
東南通隱見遙與此山正茲遊幾不遂深愧幕府客歸



時日已暮正佳江月黑顧視天水并坐恐星斗濕使君  
 何時罷登覽不可失子由同彥瞻遊金山子由枉詩  
 幸章有使居何時罷登覽不可失子由同彥瞻遊金山子由枉詩  
 來來大江心盤礴幾千載化為金僊居龍象錯朱貝夙  
 昔愛山水江湖不覺忘君前或剖竹匏繫古維揚隱然  
 勝絕境旦旦遇相望不意二君子招携一葦航高攀躡  
 雪梯閣視瞰溟漲潮來隱天地萬里卷白浪波清霄漢  
 淨澄澈迷下上更深月正中山影杳無象蛟鼉四面穴  
 形勢三州壯融結既難窺丹青殊莫狀蘇侯韻高遠邵  
 子雅趨尚奇觀極無邊幽尋端未放浮生閱流水清話  
 造方丈畢景趣言歸侵星搖兩漿武功真好奇落筆掃  
 珠璣持語淮南守茲遊不可遺君  
 恩早晚東南下一棹扁舟信所之

同子瞻端午日遊諸寺賦得深字寺下脫分韻二字

太史抱孤韻暢懷在登臨別乘載鄒枚佳辰事幽尋參  
 差水石瘦窅窅房櫳深清磬發踈箔妙香橫素襟復登  
 翠堵坡環回瞰嶽峯雙溪貫城郭暝色帶孤禽涼颼動  
 爽籟薄雨生微陰塵想澹清漣牢愁洗芳斟揮箴訂往

古援毫示來今愧無刻燭敏續此金玉音子瞻詩云

遇勝輒留連焚香引幽步酌茗開淨筵微雨止還作小  
 窻幽更妍盆山不見日草木自蒼然忽登最高塔眼界  
 窮大千下峰照城郭震澤浮雲天深沈既可喜曠蕩亦  
 所便幽尋未云畢墟落生晚烟歸來所歷耿耿清不  
 眠道人亦未寢  
 孤燈同夜禪

寄陳季常

一鉤五十犢始具任公釣揭竿趣灌瀆與爾不同調先  
 生本西蜀俠氣見英妙哀憐世間兒細點似黃鸝侍童  
 雙擢玉鬢髮光可照駭馬錦障泥相隨窮海嶠平生攜  
 手好十七登廊廟小生相吏耶徒枉尺書召暮年更折  
 節學佛得心要鬻馬放阿樊幅巾對沈燎泠泠屋外泉  
 兀兀原頭燒欲知山中樂萬古同一笑



淮海集卷之三

淮海集卷第四 古詩

秦觀 少游

同子瞻賦游惠山三首 其一 王武陵韻 其二 竇群韻 其三 朱宿韻

輟棹縱幽討籃輿入青蒼圓頂相邀迓旃檀燎深堂層巒淡如洗傑閣森欲翔林芳含雨滋岫日隔林光涓涓續清溜靡靡傳幽香俯仰佳覽眺悠哉身世忘

使君厭機械所與惟散人顧慙兼葭蒞陋繆倚瓊枝新上干青礧礧下屬白磷磷洞天不知老金界無棲塵緬彼人間世烏蟾閱青旻詎得踵三隱山阿相與鄰

樓觀相復重邈然閱深樾九龍吐清泠灑灑曾未絕罌缶馳千里真珠猶不滅况復從茶僊茲焉試葵月岸巾塵想消散策佳興發何以慰遨嬉操觚繼前轍 子瞻云余昔為



錢塘倅往來無錫未嘗不至惠山既去五年復為湖州  
與高郵秦少將抗僧參寥同至覽唐處士王陵寶鼎朱  
宿所賦詩愛其語清簡蕭然有出塵之姿追用其韻各  
賦一夢裏五年過覺來雙鬢蒼然將塵土足一步清瀾  
堂俯窺松桂影仰見鵲鶴翔烟然肝肺問已作水玉  
虛明中有色清淨自生香還從世俗去永與世俗忘  
薄雲不遮山踈雨不濕人蕭蕭松桂滑策策若新嘉  
我二三子皎然無滯人蕭蕭松桂滑策策若新嘉  
泣舊史疾諛歌小曼哀哉扶風子難與巢許鄰  
餐山泉烹茶避林岷明窻傾紫盞色味兩奇絕吾生  
會耳一飽萬想成頻笑與王川子饑弄三百月豈如山  
人睡起山花發一甌誰與共門外無來轍參寥同賦  
周遭曠層巘矯矯如翔翮下瞰平田流澹然易忘  
皇解初釋先雨聞新香雖云迫前途真賞豈易忘  
門暗朝雨寂歷無行人忽穿卉木鬱以新皆泉  
漱石齒照眼光磷磷史君美無度卓犖遺囂塵揚帆  
竹栢談笑凌窮是愧沈寘子卧霞吞結鄰揚帆渡  
江來洗眼驚翠樾雲姿既容喬鳥弄更清絕掃訪前  
蹤琬玕亦未滅嗟我魚日光晴能綴明月狂墨掃琅  
風烟座中發珠勝區  
中人茫茫走飛轍

馬上口占二首

或云後一首參寥和

向晨結束事長途利風刮面冰在鬚固窮得水馬不進  
霧暗失道人相呼悠悠旁舍見汲井軋軋隔林聞輓車  
游目騁懷自可樂勿憶鄉縣增煩紆  
霜風稜稜萬木枯梅花破萼猶含鬢田家往往事游獵  
追逐狐兔相號呼微茫山中起狂燒隱約林梢低日車  
馬頭漸覺有佳趣勿厭阡陌多縈紆

別子瞻

人生異趣各有求擊風捕影祇懷憂我獨不願萬戶侯  
惟願一識蘇徐州徐州英偉非人力世有高名擅區域  
珠樹三株詎可攀玉海千尋真莫測一昨秋風動遠情  
便憶鱸魚訪洞庭芝蘭不獨庭中秀松柏仍當雪後青  
故人持節過鄉縣教以東來償所願天上麒麟昔漫聞



河東鸞鷲今纔見不將俗物擬天真北斗已南能幾人  
八博學士風標遠五馬使君恩意新黃塵冥冥日月換  
中有盈虛亦何筭據龜會蛤暫相從請結後期游汗漫  
子瞻詩云夜光明月非所投逢年遇合百無憂將軍  
百戰竟不侯伯郎一斗得涼州門負重君無力十年  
不入紛華域故人坐上見君文謂古人已去君未到空吟  
說盡萬物情硬黃小字臨黃庭故人君來破吾願一聞  
河畔草青青誰為他鄉各異縣天遣君來破吾願一聞  
君語識君心短李翁孫眼中見江湖放浪久全真忽然  
一鳴驚倒人從橫所值無不可知君既未決新詩新千金  
弊帚那堪換我亦淹留豈長策山中君到後消人憂君  
爾耳君其漫我亦淹留豈長策山中君到後消人憂君  
言有客輕公侯南相忘同異域新詩空使四座驚隱居未易凡人測使  
里南歸無限情鴻飛携書墮我庭此書燕置昔年客測使  
中麗句准山青老夫強顏依府縣堆案文書本非願清  
談壺似解人願安得座右長相見狂客吾非賀李真醉  
吟君似謫仙人未契長遭少年笑自髮應慙傾蓋新都  
城酒貴誰當換塵埃始而非良箚歸來泗上正思居莫  
霜爛熳

和黃法曹憶建溪梅花

海陵參軍不枯槁醉憶梅花愁絕倒為憐一樹傍寒溪  
花水多情自相惱清淚班班知有恨恨春相逢苦不早  
甘心結子待君來洗雨梳風為誰好誰云廣平心似鐵  
不惜珠璣與揮掃月沒參橫畫角哀暗香銷盡令人老  
天分四時不相貸孤芳轉盼同衰草要須健步遠移歸

亂插繁華向晴昊參寥詩云朝風蕭蕭方振槁雪壓

山僧少病惱強將筆刀為寫麗句已輸何遜早碧桃

冊杏空自研嚼藥麝香無比好先生携酒傍玉叢醉裏

雄辭驚電掃東溪不見謫仙人江路還逢少陵老我雖

不飲為誰牽不惜山衣同藉草要須陶令插花歸醉卧

春風軼軒昊子瞻和少游詩云西湖處士骨應槁

只有此詩君壓倒東坡先生心已灰為愛君詩被花惱

多情立馬待黃昏殘雪消遲月出早江頭千樹春欲暗

竹外一枝斜更好孤山山下醉眠處點綴裙腰紛不掃

萬春隨逐客來十年花送佳人老去拾餘香還界吳

今年對花還草草不如風雨春歸水拾餘香還界吳



傾倒江南無雪春瘴生為散冰花除熱惱風清月落無  
 人見吳山道人心似水眼淨塵空無可掃故將妙語寄  
 多情橫機欲寄東坡老東坡習氣除未盡時復長篇書  
 小詩且撼老長條骨曰惆悵愁見米監惟醉倒忽傳騷  
 客與寒梅感物傷春同懊惱江邊不識北風勁牆頭知  
 有南枝早未開素質夜光明半落清香更更好鄰家小  
 婦學閉眉靚粧誰有長眉掃孤芳已與飛霞競結子仍  
 先百花生老苦遭橫笛亂飛英不見遊人醉芳草可憐物  
 性空自老若作繁華助若吳子由和參寥詩云可憐物  
 君古木依岩槁西江飲醉須彌倒野花幽草亦何為峻  
 語長篇空自惱萬點浮溪輒長嘆一枝過嶺誇先早拾  
 香不認游塵汚嚼菓更憐真味好道人遇物心有得瓦竹相  
 敲綠自掃誰知真妄了不妨今我至今思璉老妙明真  
 覺昔未識但向閑窓看詩草浮雲  
 時起鳥四飛畢竟安能亂清吳天

送少章弟赴仁和主簿

我宗本江南為將門列戟中葉徙淮海不仕但潛德先  
 祖實起家先君始縫掖議郎為名士余亦忝詞客風流

以及汝三通桂堂籍汝弱不好弄文章有新格久從先  
 生游術業良未則武林一都會山水富南國下有賢別  
 駕上有明方伯干將入砥礪騁裏就銜勒勿矜孔鸞姿  
 不樂棲枳棘吳中多高士往往寄老釋辯才雖物化參  
 寥猶夙昔投閑數訪之可得三友益少來輕別離老去  
 重乖隔念汝遠行役惘惘意不憚道山雖云佳久寓有  
 饑色功名已絕意政苦婚嫁迫終從大人議稅駕邗溝  
 側追蹤漢兩踈父子老阡陌

送李端叔從辟中山

人畏朔風聲我聞獨寬懷豈不知凜冽為自中山來端  
 叔天下士淹留蹇無成去從中山辟良亦慰平生與君  
 英妙時俠氣上參天孰云行半百身世各茫然當時兒



戲念今日已灰死者書如結髦聊以忘憂耳駸駸歲道  
盡淮海歸無期功名良獨難雖成定奚為念君遠行役  
中夜憂反側攬衣起成章贈以當馬策

淮海集卷第四

淮海集卷之五 古詩

贈蹇法師翊之

天都九經緯人物如紡績豈無仙聖游但未見高識蹇  
師蜀方士鬼物充服役竭來長安城摩挲金銅狄大蛇  
死已論葛陂囚且釋是事何足云聊爾恤艱厄方從馬  
明生西去鍊金液丹成得度世造化為莫逆予亦江海  
人名宦偶牽迫投効去未能見師三歎息

送劉貢父舍人二首

虎去藜藿採珠在其川媚君子一詘信實繫天下事念  
昔元豐間公初謫南裔託詞弔湘水聞者為心醉踰年  
儉臣逐國老起相繼除公守襄陽士始有生意茲焉歸

秦觀 少游



法從乃是朝廷計在公何足云事業本餘棄掖垣美花  
木入直春正麗同僚看家風立馬揮九制

觀也本諸生早與世參商方枘不量鑿交親指為狂末  
路辱公知賜出非所望相期古人處豈止事文章汝南  
雖與區校官寔始張解鞅百無有栖栖寄僧坊築室從  
有徒皆公借餘光一壺千金直所濟在倉黃萬里猶比  
鄰別離無足傷何以報公德修好以為常

南京妙峰亭

王勝之所作  
蘇子瞻題榜

王公厭承明出守南宮鑰結構得崇丘巋然瞰清洛是  
時謫仙人發軔自廬霍郊原春鳥鳴來此動豪酌報投  
一何富玉按金刀錯新榜揭中楹千載見遠託竭來訪  
陳迹物色屬搖落人烟隔鳧田疇帶城郭紅蕖隕風

漪砂礫卷飛籜青青陵上姿獨汝森自若人生如博奕  
得喪難前約金鎚初控頤已復東方作大明昇中天龍  
鸞入階閣深懲漁奪弊法令一刊削斯民如解懸喜氣  
鬱磅礴公乎數登覽行矣翔寥廓

次韻奉酬丹元先生

金華紫烟客來作牧羊兒至言初無文尋繹自成詩二  
景入妙解元氣含烟詞憐我鬢蒼浪黃埃眩蟲絲勸解  
冠上纓一濯含風漪攝身列缺外倒躡蜿蜒鬢維斗錯  
明珠望舒耿脩眉真游無疆界浩蕩天風吹

送裴仲謨

君子出於德妙高如匠石但見廣厦成不見斧斤迹厚  
為諸兄奉自奉頗云嗇三生陽亢宗薄俗有慙色汝南



海濱集 卷之五  
古佳郡月旦評一易爾來似揚州不辨龍蜥蝮短簿髯  
參軍喜怒移頃刻正平竟獲免寔我文舉力念公多垂  
隔憂思如紡績耻為兒女仁到此淚橫臆熙朝大烹飪  
賢者不家食朝為郡縣吏暮作臺省客矧聞諸法從久  
欲薦言責去去勿重陳九萬自此擊

題雙松寄陳季常

遙聞連理松託根黃麻城枝枝相鉤帶葉葉同死生雖  
云金石姿未免兒女情想應風月夕蒲庭合歡聲

徐仲車食於學官吏或以為不可欲罷去之太守  
不聽禮遇如初感之而作

許丞老病龍督郵白欲廢賢哉黃次公鑿裁實精詣殷  
勤謝督郵此丞乃廉吏重聽庸何傷善助無失意古人

骨已朽來者復誰繼仲車天下士固非許丞類至行通  
神明問學有根柢若充老更聘自革風俗弊太守前已  
聞粟帛俄見賜奈何少年子輒効督郵事道喪賢狝窮  
聞之為流涕人心如其面難以一律揆所望在次公督  
郵何足議

次韻夏侯太冲秀才

儒官飽閑散室若僧坊靜北窓腹便便支枕看斗柄或  
時得名酒停午猶中聖醒來復何事秉筆賦秋興焉知  
懶是真但覺貧非病茫茫流水意會有知音聽鐘鼎與  
山林人生各天性

送張和叔兼簡黃魯直

汝南如一器百千聚飛蚊終然鼓狂鬧啾啾竟誰聞議



滄海集 卷之五  
郎盛德後清修繼先芬未試霹靂手低回從此君學官  
冷於水齏鹽度朝曛間蒙相煖熱破憂發孤欣君今又  
復去冀北遂空群豈無一樽酒誰與通殷勤大梁多豪  
英故人滿青雲為謝黃叔度鬢毛今白紛

題驥馱圖

雙瞳夾鏡權協月尾鬣蕭森澤於髮鞍銜不施韉復脫  
旁無馭者氣騰越地如砥平丘隴滅天寒自暮抱饑渴  
驤首號鳴思一發超軼絕塵入恍忽東門金鑄久銷歇  
曹霸丹青亦云沒賴有龍眠戲揮筆眼前時見千里骨  
玉臺閭闔相因依嗟爾龍媒空自奇鸞旗日行三十里  
焉用逐風追電為

和東坡紅鞵帶

君不見相如容貌窮不枯卓氏耻之分百奴一朝奉旨  
使筇笮駟馬赤車從萬夫仲元君平更高妙寄食耕卜  
霜眉鬚兩川人物古不乏數子風流今可無參軍少年  
飽經術期作侍中司御壺老披青衫更矍鑠上馬不用  
兒孫扶一朝忽解印綬去耻將詩禮攘裙襦懸知百年  
事已定却笑列仙形甚臞東阡北陌西風入瑞草橋邊  
人叫呼相見紅圍照白髮頽然醉卧文君壚

和王忠玉提刑

嵩峰何其高峰高氣尤清念昔秋欲老從公峰下行古  
木上參天哀禽報新晴脩塗雲外轉槁葉風中零曛黑  
度伊水眇然古今情黎明出龍門山川莽難名信美非  
吾土顧瞻懷楚萍美人天一方傷哉誰目成黃綬我聊



兩白鷗公勿驚糟醕可舖啜古人忘偏醒

題楊康功醉道士石

黃冠初飲何人酒徑醉頽然不知久風吹化石楚山阿  
藤蔓纏身蘇封口常隨白鶴亦飛去但有衣冠同不朽  
異物終為賢俊得野老田夫豈宜有華陰楊公香按吏  
一見遂作忘年文日暮西垣視草歸往往對之傾數斗  
大夢之間無定論啓母望夫天所誘穀城或與子房期  
西域更為陳邠吼我疑黃冠反見玩若此堅頑定醒否  
何當一笑凌蒼霞顧謝主人聊舉手

送蔡子驤用蔡子駿韻

越絕山川遠相屬萬壑千巖抱青綠卧龍一峰稱是奇  
遶趾清漪如帶束鏡水春生鷓尾銜稽山日暮猿聲續

三休上與蓬萊接登眺使人遺寵辱我昔東游觀禹穴  
痛飲狂歌得所欲上天何曾有官府鸞鳳日日遭鞭朴  
僧坊畫壁閱幾徧神妙難忘獨金粟華胥夢斷已十年  
又見春風煮餲粥苧羅若耶固依舊可憐雲月誰追逐  
故人淡泊出天性鷓鷯巢林一枝足不肯絃歌甘筦庫  
還同市門隱梅福惟應月下小叢歌尚有哀音傳舊俗

飲酒詩四首

我觀人間世無如醉中真虛空為消隕况乃百憂身惜  
哉知此晚坐令華髮新聖人難驟得得且致賢人  
左手持蟹螯舉觴屬雲漢天生此神物為我洗憂患山  
川同恍惚魚鳥共蕭散客至壺自傾欲去不容間  
客從南方來酌我一甌茗我酌初不啜彊啜且復醒既



鑿渾沌氏遂出華胥境操戈逐儒生舉觴還酌氏一作  
雷觴淡如水經年不濡脣爰有擾龍系為造英靈春英  
靈韻何高蒲萄難為鄰他年血食汝應配杜康神

艇齋并序

予以典校史領俸錢塘邂逅得友丁君彥良於陳留官  
舍丁君彥良年少氣雋誦詩文豐豐不休動有過人語  
深恨得之晚也臨分以艇齋詩速予賦為寄題一篇  
平生樂漁釣放浪江湖間兀兀寄幽艇不憂浪如山聞  
君城鄙居左右群書環有齋亦名艇何時許追攀釣古  
不釣今所得孔與顏不然如爾祖跨鶴出塵寰

和裴仲謨放兔行

兔饑食山林兔渴飲川澤與人不瑕疵焉用苦求索天

寒草枯死見窘何太迫上有蒼鷹禍下有黃犬厄一死  
無足悲所耻敗頭額敢期揮金遇倒橐無難色雖垂獵  
者意頗塞仁人責兔兮兔兮聽我言月中仙子最汝憐  
不如亟返月中宿休顧商巖并嶽麓

和裴仲謨摘白鬚行

仲將題凌雲比訖鬚盡白陸展媚側室星星染為黑人  
生如寄耳况復形與色澤壑藏山舟夜半輪有力龐眉  
三不遇已矣何所惜二毛賦秋與自愛頗姑息聞諸古  
竺乾毛髮因地得數窮反其本螻螳得而食妙年光可  
鑿烟若鴉羽戢映梳漸蕭蕭變化了無隙所以梵志云  
昔人已非昔幡然君勿笑子羽以貌失信美如客兒終  
翦羽施摩詰我作白鬚行而得養生術



淮海集卷之五

淮海集卷之六

秦觀 少游

觀觀二弟作小室請書魯直名曰寄寂作此寄之  
用孫子實韻二首

力田不逢年識者未宜閔他時歲在金石兩無虛  
生當自量天道平如準汝兄魯叔山正坐不前謹有琴  
亦無絃何心尚求軫客來欲頽玉大白輒滿引官長既  
屢罵諸生亦時鞦一口吸西江玄哉居士蘊歲寒知蒼

松日暮識丹槿夢想八九椽森然羅玉筍

孫子實詩  
薛宣欲吏雲

季氏或招閔此分胃中秋萬物既叔稠賣藥偶知名草  
亥非近準才難不易得志大略細謹士生要弘毅天地  
如蓋軫驥令鹽車驟井下知緘引難甘吁尔會聊寄  
然驟誰能借前籌還婦用束蘊吾聞調羹非異味及粉  
槿豈其供王羞  
而棄會稽筓



南都新亭行寄王子發

洛水云云天上動道入隋渠下梁宋宋都堤上十二亭  
一一飛鷺若鸞鳳光華遠繼周王雅宴喜還歸魯侯頌  
玉觴嚴令肅衣冠金縷哀音繞梁棟娟娟殘月照波翻  
習習暖風吹鳥哢何處高帆落文鵠誰家駿馬嘶征鞞  
柳枝芳草恨連天暮雨朝雲同昨夢借問亭名製者誰  
留守王公才望重胸中雲夢吞八九日解千牛節皆中  
祥符相公實曾祖庭列三槐多伯仲承明厭直出荊州  
轉守此都行大用此都去天纔尺五交廣荆陽歸引控  
兔園事迹化黃埃清冷文雅堪長慟舳舻銜尾車挂鞞  
昨日出迎今日送送故迎新無已時古往今來相戲弄  
亭下嶮崎淮海客末路逢公詩酒共一樽明日難重持

豈恤官期後芒種今年氣候頗云早天矯梅花春欲從  
行見亭中祖帳開千乘送公歸法從

友初

昔年淮海未邂逅安期生謂我有靈骨法當遊太清區  
中緣未斷方外道難成一落世間網五十換嘉平夜參  
半不寢披衣涕縱橫誓當友初服仍先謝諸彭晞髮陽  
之阿輔餒太和精心將虛無合身與元氣并陟降三境  
中高真相送迎琅函紀前績金蒲錫嘉名耿光洞寥廓  
不借日月明故棲黃埃裏絕想空復情

寄尊薑法魚糟蟹

寄子瞻

鮮鯽經年漬醯醢團臍紫蠟脂填腹後春尊茁滑於酥  
先社薑芽肥勝肉鳧卵蠹蟲何足道釘餌盤殮亦時款



淮南風俗事瓶罌方法相傳為旨蓄魚鱸蟹醢薦蘆豆  
山藪溪毛例蒙錄輒送行庖當擊鮮澤居備禮無麋鹿

精思

精思洞元化白日昇高旻俯仰凌倒景龍行速如神半  
道過紫府弭節聊逡巡金牀設寶几璀璨明月珍僊者  
二三子眷然骨肉親飲我霞一杯放懷暖如春遂朝玉  
虛上冠劍班列真無端拜失儀放斥令自新雲霄難遽  
返下土多埃塵淮南守天庖嗟我實何人

送楊康功守蘇

公於萬事輕獨嗜山水重寓直西掖垣滄洲長入夢廣  
陵以都會厨酒萬斯甕每歎闕登臨持此將焉用比持  
蘇臺節論鬱縉紳共翻云美泉石汜可小嬉弄忽忽治

行李草草別賓從乃知仁智心所樂異庸衆梅花發春  
端百卉日興動公等行復及臺閣俟鸞鳳

偶戲

偶戲失班龍坐謫崑崙陰崑崙一何高去天無數尋嘉  
禾穗盈車珠玉爛成林天飈時一拂清哀動人心一面  
四百門官譙雲氣侵闕然竹使符難矣暫登臨群仙來  
按行憐我久滯淫力請始云免反室歲已深親朋喜我  
來感歎或霑襟塵寰君勿悲殊勝巢嶽峯

次韻黃冕仲寄題順興步雲閣

故山無期大刀頭黃塵溽暑未罷休步雲之篇忽我投  
便見冰玉懸清秋順興山川甲閩甌無風萬壑松颼颼  
步雲之人人品優御風禦寇直其儔仙人乘槎凌斗牛



回環十見天星周猿鶴忽驚空蕙帳周家正要礪溪望  
正仲左丞生日

元氣鍾英偉東皇賦炳靈黃敷十一英椿茂八千齡汗  
血來西極搏風出北溟之無分襁褓詩禮學趨庭妙質  
珠遺海高材刃發礪初更芸閣秘屢直瑣闥青史筆開  
凡例綸言正緯經文昌頻曳履京兆屢空圖遂總臺綱  
紀常參國典刑兩宮隆眷遇諸夏聳瞻聽武略驅雷電  
文鋒粲斗星乞閑辭亢滿分逸下青冥綺甲雙朱服腰  
橫萬寶釘明峰春蠶蠶汝水暮冷冷散策花間徑揮犀  
水上亭壺觴延墨客燈燭按歌伶周袞歸公且商巖夢  
武丁久聞虛揆席佇見返皇局別數汾陽考重鑄宋父  
銘巍然廟堂上末作世儀形

病犬

犬以守禦用老憊將何為踉蹌劣於行纍然抱渴饑主  
人恩義易乃為升斗資追隨不肯去猶若戀藩籬屠膾  
意得逞烹庖在須斯糟糠固非意豚豕同一時念昔初  
得寵青韉纏毳絲飼養候飢飽動止常相隨胡云不終  
始委遂在衰遲犬死不足道固為主人悲

贈女冠暢師

瞳人剪水腰如束一幅烏紗裹寒玉飄然自有姑射姿  
回看粉黛皆塵俗霧閣雲牕人莫窺門前車馬任東西  
禮罷曉壇春日靜落紅蒲地乳鷗啼

和子瞻雙石

天鑿海濱石鬱若龜毛綠信為小仇池氣象宛然足連



巖下空洞鼎張彭亨腹雙峰照清漣春眉鏡中感疑經  
女媧鍊或入金華牧鑪熏充雲氣研滴當川瀆尤物足  
移人不必珠與玉道傍初無異漢將疑虎伏支機亦何  
據但出君平卜奇矐入華林傾都自追逐我願作陳那  
令吼震山谷一拳既在夢二駒空所欲大士捨寶陁仙  
人遺句曲惟誇落人間如傳置郵速

徐得之閑軒

建安自古多俊髦徐子磊落尤其豪論兵說劍走湖海  
身勤事左無所遭綠水五校已屠膾黑衣三衛嗟徒勞  
歸來故山便卜築脫藥萬事輕鴻毛橫前澗水漱哀玉  
傍舍老櫪藏飛猿山蔬何用媿梁肉鶴髦未必輸青袍  
追寒弄月有真意慎勿輕語傳兒曹

雷陽書事

駱越風俗殊有疾皆勿藥束帶趨祀房瞽史巫紛若絃  
歌薦繭栗奴主洽觴酌呻吟殊未央更把雞骨灼  
一笛一腰鼓鳴聲甚悲涼借問此何為居人朝送殤出  
郭披莽蒼磨刀向猪羊何須作佳事鬼去百無殃  
舊傳日南郡野女出成群此去尚應遠東門已如雲蚩  
氓託絲布相就通慇懃可憐秋胡子不遇卓文君

海康書事十首

白髮坐鉤黨南遷海瀕州灌園以餬口身自雜蒼頭籬  
落秋暑中碧花蔓牽牛誰知把鋤人舊日東陵侯  
荔子無幾何黃柑遽如許遷臣不惜日恣意移寒暑層  
巢俯雲木信美非吾土草芳自有時鸚鵡伺關汝



卜居近流水小巢依欽岑終日數椽間但聞鳥遺音鑪  
香入幽夢海月明孤斟鷓鴣一枝足所恨非故林  
培塿無松栢駕言出焉遊讀書與意會却掃可忘憂尺  
蠶以時誦其信亦非求得歸良不惡未歸且淹留  
粵女市無常所至輒成區一日三四遷處處售鰕魚青  
裙脚不襪臭味復與狃孰云風土惡白州生綠珠  
海康臘已酉不論冬孟仲殺牛撾祭鼓城郭為沸動雖  
非堯曆頌自我先人用大笑荆楚人嘉平獵雲夢  
粲粲菴摩勒作湯美無有上客賦驪駒玉奩開素手那  
知蒼梧野棄置同芻狗荆山玉抵鵲此事繇來久  
裔土桑柘希蟄月不紡績吳綃與魯縞取具舸船客一  
朝南風發家室相怵迫半賈鬻我藏倍稱還君息

一雨復一暘蒼茫颶風發怒號兼晝夜山海為顛蹶云  
何大塊噫乃爾不可遏黎明衆竅虛白日麗空闊  
合浦古珠池一熟胎如山試問池邊蜃云今累年閑豈  
無明月珍轉徙溟渤間何關二千石時至自當還

次韻曾存之嘯竹軒

翩翩曾公子子猷定前身嗜好準疇昔了然不緇磷寄  
食平準官植竹當比鄰朝與竹相對暮與竹相親安可  
一日無此君真可人

游仙二首

服形百神朝剗心萬緣盡我無退轉境何以有精進戲  
為汗漫游八極一何近渺渺東海水纍纍比邨墳向來  
歌舞處忽復成荒村愚人如鹿耳其死了無塊孰知九



霄間玄圃枕崑崙縑塵化人衣蒼蘿誰與捫  
雲車自天來駕言游混茫手持太一節身佩使者章龍  
虎傍天矯馬龜伏以翔朝元紫微上所覩浩難量寶網  
結萬珠參伍相焜煌花品不知數妙英拆玄房宮殿隨  
人身處處輒清涼危髻擢真玉高謝人間粧二古鬚  
眉冠雲帶含光遺我飛霞佩副以明月璫再拜敬服之  
白毛發靈香

次韻荅張文潛病中見寄

與君涉世網所得如鈎溫念昔相乖離俯仰變寒暄把  
袂安可期寄書囑加殮三年汝水濱孤懷誰與言末路  
非所望聯鑣金馬門校文多豫暇玄談到羲軒孰云客  
箸小史書垂後昆匪惟以舊聞牴牾良可刊比枉病中  
恙不足論愷悌神所勞此理真如絃

送喬希聖

鸚翔蓬蒿非所悲鵬擊風雲非所喜貴賤窮通盡偶然  
回頭總是東流水我思田文昔相齊朱袍照日如雲霓  
三千冠佩醉明月清歌一曲傾玻璃如今陳迹知何在  
但見荒冢烟蕪迷又思原憲昔居魯門戶東西閉環堵  
杖藜對客騁高談自覺胞襟輩堯禹如今寂寞已成塵  
空有聲名掛千古送君去何時回世間如此令人哀我  
徒駐足不可久笑指白雲歸去來

與子瞻會松江得浪字



松江浩無旁垂虹跨其上漫然銜洞庭領略非一狀況  
如陣平野萬馬攢穹帳離離雲抹山窅窅天粘浪烟中  
漁唱起鳥外征帆颺愈知宇宙寬斗覺東南壯太史主  
文盟諸豪盡詩將超搖外形檢語笑供頡頏嬾娟棄追  
逐撥刺亦從放獨留三百缸聊用沃軒曠子瞻得風字  
吳越溪山  
與未窮又扶衰病過垂虹浮天自古東南水送客今朝  
西北風絕境自忘千里遠勝遊難復古人同舟師不  
留連意擬看斜陽萬頃紅二子緣詩老更窮人間無  
處吐長虹平生睡足連江雨盡日舟行擘岸風人笑年  
來三出慣天教我輩一鐫同知君欲寫長相憶更送銀  
盤尾鬣紅參寥得岸字  
淪連幾萬頃放目失根岸倒境射遙山青螺點空半從  
來誇震澤勝事無昏旦破浪湧長鬢排空度飛輪肺肝  
入清境劃若春水泮安得凌九垓從公遊汗漫

淮海集卷之六

淮海集卷之七律詩

秦觀少游

德清道中還寄子瞻

投曉理竿棹溪行耳目醒  
鱖魚各蕭散雲日共晶熒  
水行重深翠烟山疊亂青路  
回逢短榜崖斷點孤翎叢薄  
開羅帳淪漪寫鏡屏踈籬窺  
窈窕支港泛笳管遠淑依  
微見哀猿斷續聽夢長天杳  
杳人遠樹冥冥旅思搖風  
旆歸期數月莫何時燃蜜炬  
復聽閣前鈴

次韻子由題斗野亭

蒲市花風起平堤漕水流不堪  
春解手更為晚停舟上  
墟天連鴈荒祠木蔽牛杖藜  
聊復爾轉眄夕烟浮子由  
詩云  
細雨添春色微風靜開流  
勞生兩蓬鬢生計一扁舟  
飲食隨魚鱗封疆入斗牛  
風波方在眼轉覺此生浮



鮮于子駿使君生日

往昔高堂夢熊羆兆吉占氣鍾西蜀秀時應仲秋嚴江  
漢揮犀尾風雲下筆尖微辭追屈宋精義到黃炎操履  
森寒栢名聲耿夜蟾擊彊鵬鸚徠治劇鷓鴣銛使者旌  
旄易將軍印綬添鴛鴻隨步武虎豹入韜鈴錦覆郎官  
綬彤垂太守檐兩行分蜜炬十里上珠簾禮士常懸榻  
誅姦或奮髯雨堂昏絳帳風帙亂牙籤銀漢星初換金  
莖露已霑歡聲連北固壽邑亘東漸麗句充文几奇香  
物玉奩簪紳五福具罇俎四難兼賤子真殊幸清標獲  
屢覘誤蒙雕朽木猥辱畫無鹽嘉運方熙洽英才豈滯  
淹佇公歸法從行道慰民瞻

輦下春晴

樓闕過朝雨參差動霽光衣冠紛禁路雲氣繞宮牆亂  
絮迷春闊薦花困日長經旬牽酒伴猶未獻長揚

睡起

睡起東軒下悠悠春緒長爬搔失幽囀欵欠墮危芳蛛  
網留晴絮蜂房受晚香欲尋初斷夢雲霧已冥茫

次韻莘老初至湯泉二首

夾路山重複參天樹老蒼一區成小市數埒引溫湯洗  
沐同幽客舖殮就梵坊未輸朝市子斗酒得西涼

年華行已老林菴尚葱蒼地勝連龍洞泉溫注鬼湯人

風遠城市鍾梵近僧坊九夏來投錫摟心應更涼詩云

川谷闕深阻天時正菴蒼聊同不速客來浴自然湯  
茂宰藹休政道人棲爭坊恍如登十地熱惱頓清涼

過六合水亭懷裴博士次韻三首

次莘老



昔同裴博士酌酒俯庭柯  
晚岫潭潭碧風池瑟瑟波  
蒼崖遺老沒白首故人過  
轉眄成陳迹勞生可奈何  
晚憇孤亭上羸驂繫斷柯  
荒門寒帶路空檻閣增波  
往事青山在餘生白鳥過  
誦言成絕語帶疊疊迫陰何  
折柳相從地重來失舊柯  
林光延晚照岸影動微波  
隔浦檀欒密當簷翡翠過  
主人成異物搔首奈情何

懷孫子實

舉眼趨浮末斯人獨好脩  
青春三不惑黃卷百無憂  
玉出方流潤鸞停翠竹幽  
相思自成韻不必寄西郵

對淮南詔獄二首

一室如懸磬人音盡不聞  
老兵隨卧起漂母給朝曛  
樊雉思秋野韝鷹望暮雲  
念歸忘食事日減臂環分

淮海行搖落文書亦罷休  
風霜欺獨宿燈火伴冥搜  
笳動朱樓曉參橫粉堞秋  
更拚飛鏡破應得大刀頭

次韻谷米元章

嗜好清無滓周旋粲有文  
揮毫春在手岸幘海生雲  
花鳥空撩我尊鱸正屬君  
惟應讀此蜺差不愧玉筠

宿參寥房

鄉國秋行暮房櫳日已暝  
驚風多犯竹破月不藏星  
鉤箔簷花動抄書燭燼零  
非閑相見喜自是眼長青

次韻蔣穎叔南郊祭告上清儲祥宮

二十韻

特起朝陽內祠宮極邃清  
高窻闕玉女巨闌守昌明  
盛掩秦諸時雄逾漢兩京  
垣橫天上紫洲露海中瀛  
黃帝初龍躍中原罷虎爭  
樵夫亦談道行旅不持兵  
此地修



襍禮于時保利亨栢梁災未幾陳寶詔重營御帑金繒  
出慈闈服玩并標題動宸翰撰次屬鴻生玉刻黃冠印  
金書祕殿名妙經藏洞觀真籙佩威盟仙溜花間靜瓊  
枝物外榮肇禋承帝祉肆青順民情天施寧論報風行  
不計程近傳聞馨管時或見旄旌海嶽朝雙闕星辰集  
上楹禮如尊太一事異寵文成大似圓丘報長於至日  
迎侍臣來祭告法駕欲時行釐事通元氣高真達孝誠  
慶增黃帝系壽續太陰精西北夷門峻東南輦路傾雲  
行博山氣風卷步虛聲符貺方期應英髦各彙征謳歌  
興法從行見泰階平

次韻米元章齋居即事

庭木雙株茂盆池一掬慳支頤魚出樂入皆鳥知還老

境行將及仙書讀未閑因君歌鳳過通夕夢歸山

次韻酬陳傳道

白髮三冬學青衫八尺身誰知人上傑聊作吏中循揮  
翰通元氣開編友古人寄轂張氏子曲逆豈長貧

次韻傳道自適兼呈都司芸叟學士

楚國陳夫子周南頗滯留弊袍披槁葉瘦馬兀扁舟藥  
餌過三伏文書散百憂何人共禪悅居士有浮休

擬郡學試東風解凍

寶歷開新歲春回斗柄東漪生天際水東解日邊風浩  
蕩依蘋起侵尋帶雪融江河霜練靜池沼玉奩空魚藻  
雍容裏雲霄俯仰中更無舟楫礙從此百川通

駕幸太學



原廟初更十二章還輿詔蹕幸諸庠法天壁水遙迎伏  
應夜深衣不亂行風動四夷將遣子禮行三舍遂賓王  
前知此舉追虞氏果有球音發舜堂

題閻求仁虛樂亭三首 前二首幸老

禪房幽構徑彎環噪鵲鳴鳩盡日閑隱凡宜濛超物表  
畫圖髣髴見林間寒簾雲吐池中月岸幘天橫竹外山  
秋興已闌成麗句板輿時此慰慈顏

長官平昔嗜林丘僧與開亭待勝遊脩竹回環扶碧瓦  
小池方折轉清流春深鷓鴣催詩句夜靜蟾蜍入酒舟  
只恐政成留不得縣人空此憶常游

誰構新亭近翠微似教陶令狎天機池光引月來簷廡  
竹影疏風到客衣愛酒有時攜玉笋無絃聊自拂金徽

人間此樂應無幾肯向良辰與物違

懷李公擇學士

一辭行旆楚亭臯幾為登臨掛鬱陶蓬斷草枯時節晚  
山長水遠夢魂勞流傳玉刻皆黃絹早晚金閨報大刀  
宣室方疑鬼神事順風行看駛鴻毛

次韻二首

青髮從遊各自袍老來邂逅更陶陶尺書繼月傳雙鯉  
相見何時詠百勞諫草十年聊閣筆坐棠三郡不更刀  
靈崖樂水堪行樂時事紛紛劇蝸毛

畫船京口見停桡蕭洒渾疑謝與陶但把好山供勝踐  
不將餘論掛塵勞諫垣天上經焚草藩國年來屢夢刀  
北路近傳新政美未嘗因物疆吹毛



題湯泉二首

蒲斛泠泠注不窮，幻塵乾慧洗皆空。法流水接諸天上，神漢香聞一國中。金粟示為除病惱，跋陀仍已獲圓通。馬蹄又入風埃去，回首吳吟謝迺翁。湯泉有名迺翁者

寄題王欽之自圓庵

誅茅北戶結圓廬，從事風流入畫圖。珠箔粉垣藏混沌，葛巾藜杖造虛無。春閑居士天花室，晝靜仙人白玉壺。遙想吏行鳥鷺散，沈烟一穗對團蒲。

流觴亭并次韻二首

縹縹雲巒欲盡頭，灑然華構別飛流。朱盤漱灑開冰鑑，碧毳縈紆走玉虬。毛骨漸驚超濁界，風烟驟覺變清秋。更憐白足如霜句，可羨溪邊六逸遊。

遊龍門山次程公韻

路轉橫塘入亂峰，遍尋瀟灑興無窮。樓臺特起喧卑外，村落隨生指點中。溪傍五雲清逗玉，松分八面翠成宮。歸途父老欣相語，今日程公昔謝公。

遊龍瑞宮次程公韻

靈祠真館閔山隈，形勢相高對越臺。每徑翠依屏上轉



藕花紅繞鑑中開  
鶴啣寶箭排烟去  
龍護金書帶雨來  
夾道萬星攢騎火  
滿城爭看使君回

次韻朱李二君見寄二首

東阡北陌坐淹時  
偶為高風振羽儀  
十丈蓮花開處遠  
三年楮葉刻成遲  
鬢毛但速安仁老  
錢粟難輸曼倩饑  
尚賴故人遙省憶  
發揮春色有新詩

萬古流空一鳥沈  
衣冠常苦事違心  
七行俱下知君舊  
四者難并笑我今  
梅已偷春成國色  
雲猶憑臘造天陰  
美人綠綺煩遙贈  
莫致南金增永吟

睡足軒二首

長年憂患百端慵  
開斥僧坊頗有功  
地撤蔽虧僧界淨  
人除荒穢王奩空  
青天併入揮毫裏  
白鳥時興隱几中

最是人間佳絕處  
夢殘風鐵響丁東

數椽空屋枕清流  
一榻蕭然散百憂  
終日掩關塵境謝  
有時開卷古人遊  
鳴鳩去後滄浪晚  
飛雨來初菡萏秋  
此處便令君睡足  
何須雲夢澤南州



淮海集卷之八

七言律詩

寄孫幸老少監

一出承明七換麾君恩復許上彤墀  
白衣蒼狗無常態璞玉渾金有定姿  
天上圖書森似舊人間歲月浪如馳  
鼇頭只在蓬山畔行赴蟠桃熟後期

次韻馬忠王喜王定國還自濱州

淮海相逢一解顏紛紛歲月夢魂間  
初驚漁艇迷花去忽認星槎拂斗還  
桂嶺暮登猿斷續槐堂春到鳥綿蠻  
石渠舊議行當復未信佳時得自閑

寄李公擇郎中

節旄淮畔脫秋風忽跨鯨魚上碧空  
華秀兩跗當重露



文成五色在高桐江南又說衣冠盛廷右仍瞻禮樂隆  
朝睨既升淮海見灑灑雨雪自消融

寄李端叔編修

旗亭解手屢冬春聞道歸來白髮新馬革裹尸心未艾  
金龜換酒氣方震夢魂偷遶邊城月導從公穿禁路塵  
知有新編號橫槩為憑東使寄淮濱

寄題倪敦復北軒

倪郎才韻照冰壺北向開軒頗自娛簷度蕙風鳴鵲鵲  
壁經梅雨畫蟻蚶觥籌交錯銀河掛文史縱橫角簟鋪  
官舍私居同是漫莫嗟三徑就荒蕪

寄題盧君斗齋

俠氣軒軒翰墨場迢迢世路鬢成霜出從車馬行千里

歸與琴書寄一方鳥嘯入簾春欲破爐香侵夢日初長  
扁舟會有山陽役聊借狂夫挹酒漿

次韻酬周開祖宣義

并州令尹古人風淮海相忘十載中麗句曉披花綽約  
清談初扣玉丁東追攀昔共倚犴子嗜好今同桑苧翁  
所惜華船輕解綵未窺笠澤故書叢

送王元龍赴泗州糧料院

子猷風味最諸王試吏聊懷筦庫章鵠峙碧桐初振羽  
珠遺滄海漸騰光淮山暮眺千峰耀洛水秋輸萬鷁翔  
顧我行為大梁役一卮薄酒話愁腸

一作為公繫  
馬一傳錫

次韻子由題九曲池

廣陵五題

蕭瑟通池閱茂林岸傍無復屬車音涵春似恨隋家遠



漲曉疑連蜀井深關草事空煙冉冉司花人遠樹陰陰  
勞生俛仰成陳迹縱有遺音可用尋子由詩云廣陵隋家  
水調寄哀音可憐九曲遺穀盡惟有一池春水深風關  
蕭條荒草外龍舟想像綠楊陰都人似有興亡恨每到  
殘春一處尋

次韻子由題平山堂

棟宇高開古寺間盡收佳處入雕欄山浮海上青螺遠  
天轉江南碧玉寬雨檻幽花滋淺淚風危清酒漲微瀾  
遊人若論登臨美須作淮東第一觀子由詩云堂上  
千里對憑欄海門僅可一二數雲夢猶吞八九寬簷外  
小棠陰蔽芾壁間遺墨涕洟瀾人亡坐覺風流盡遺構  
仍須子細觀

次韻子由題蜀井大明寺

蜀岡精氣滲多年故有清泉發石田乍飲肺肝俱澡雪

反窺杖屨亦輕便炊成香稻流珠滑煮出新茶潑乳鮮  
坐使二公鄉思動放杯西望欲揮鞭子由詩云信脚  
東遊十一年井泉  
香稻憶歸田行逢蜀井恍如夢試煮山茶意自便短綆  
不收容盪濯紅泥仍許置清鮮早知鄉勝為客遊宦  
何須更著鞭

次韻子由題摘星亭迷樓舊址

崑崙左右兩招提中起孤高雉堞西不見燒香成宿霧  
虛傳裁錦作障泥螢流花苑飛星亂蕪浦春城綠髮齊  
長憶凭欄風雨後斷虹明處海天低子由詩云關角  
孤高特地迷迷藏  
浦志日東西江流入海情無限暮雨連山醉似泥夢裏  
典亡應未覺後來愁思獨難齊只堪留作遊觀地看遍  
峰巒處

次韻子由題光化塔

古佛悲憐得度人應緣來現比丘身水流月落知何處



花發鷺啼又一春方外笑談清似玉夢中煩惱細如塵  
老僧自說從居此却悔平時事遠巡子由詩云山頭  
孤塔閱真人云是  
僧伽第二身處處金錢道晚供家家蠶麥保新春欲求  
世外無心地一掃骨中累劫塵方丈近聞延老宿清朝  
留客語

次韻子瞻贈金山寶覺大師

雲峰一變隔炎涼猶喜重來飯積香宿鳥水干迎曉開  
亂帆天際受風忙青鞋踏雨尋幽徑朱火籠紗語上方  
珍重故人敦妙契自憐身世兩微茫子瞻詩云誰能  
斗酒博西涼但記  
齋厨法鼓香往事真同一夢覺高談誰洗五年忙清風  
漫與山阿曲明月常隨羣角方稽首願師憐久客首將  
歸路指

遊鑑湖

畫舫珠簾出綠牆天風吹到芰荷鄉水光入座杯盤瑩

花氣侵人笑語香翡翠側身窺綠酒蜻蜓偷眼避紅粧  
蒲萄力緩單衣怯始信湖中五月涼

謁禹廟

陰陰古殿注脩廊海伯川靈儼在傍一代衣冠埋石窆  
千年風雨鎖梅梁碧雲暮合稽山暗紅芰秋開鑑水香  
令我免魚繇帝力恨無歌舞奠椒漿

蓬萊閣

雄簷傑檻跨崢嶸席上風雲指顧生千里勝形歸俎豆  
七州和氣入簫笙人遊晚岍朱樓遠鳥度晴空碧嶂橫

今夜請看東越分藩星應帶少微明程公闢次韻半  
天鍾鼓宴崢嶸早

晚陰晴景旋生湖暖水香春載酒月寒雲白夜聞笙金  
鬢破海頭爭並玉鷺排烟陣自橫我是蓬萊東道主倚

欄先占  
日初明



別程公闢給事

人物風流推鎮東，夕郎持節作元戎。罇前倦客劉師命，  
月下清歌盛小叢。裘弊黑貂霜正急，書傳黃犬歲將窮。  
買舟江上辭公去，迴首蓬萊夢寐中。  
程公闢次韻君家仲父早相從晚  
接清談有阿戎曲水暢情林竹茂小山招隱村枝葉與  
時博擊飛終遠隨處登臨興莫窮人下天來應問得高  
名已到  
月華中

中秋口號

雲山簷楹接低空，公宴初開氣鬱葱。照海旌幢秋色裏，  
激天鼓吹月明中。香槽旋滴珠千顆，歌扇驚圍玉一叢。  
二十四橋人望處，台星正在廣寒宮。

客有傳朝議，欲以子瞻使高麗。大臣有惜其去者，  
自罷之作詩以紀其事。  
與莘老同賦

文章異域有知音，鴨綠差池一醉吟。類士聲名動倭國，  
樂天辭筆過鷄林。節鬢零落瓊吞雪，辯舌縱橫印佩金。  
奉使風流家世事，幾隨浪拍海東岑。  
此一首莘老作  
學士風流異域傳，幾航雲海使南天。不因名動五千里，  
豈見文高二百年。貢外別題求妙札，錦中翻樣織新篇。  
淹留却恨鴛鴦行，舊不得飛觴駐蹕前。



淮海集卷之九

泰觀少游

顯之禪老許以草庵見處作詩以約之

汨汨塵勞不自堪  
駝裘鞭馬度晴嵐  
洞天窅窅清都邃  
神水歆蒸翠釜涵  
列岫過霜仍曖曖  
雙松迎臘正駢駢  
此心久已蒙師指  
更許山中為結庵

橡葉岡頭釋馬街  
區中竒觀得窮探  
嵯空飛鼠聲相應

江靜群峰影倒涵  
居士碧雲裁秀句  
道人哀玉扣清談

偶成二老風流事  
不是三乘宿草庵  
參寥次韻 盤盤

門門揖翠嵐  
風激松梢聲  
間發月雷泉  
底影相通天  
機清曉倪臺  
震險句窮宵  
虎穴探白傳  
異時修故事  
杖藜

應許到雲庵

和孫莘老遊龍洞



葦蕭傳火度冥冥乍入清都醉魄醒草隱月岷垂鳳尾  
風生陰穴帶龍腥壁間泉貯千鍾碧門外天橫數尺青  
更欲仗筇晉頃刻却疑朝市已千齡倡首詩側徑紫  
紆入杳冥神鍊鬼  
鑿露巖最高天懸乳石映華蓋壁隱莓苔蠹翠屏九道寒  
江雲外自一池陽井雪中青還同庫樂登臨海可共羊  
河筆不停參寥和瞳隴果日破林桐笑語相將馬  
暫停路與猿猴爭險磴身隨鴻鵠入青冥崕巖曲穴疑  
無底蟠屈蒼虬信有靈能使謝  
公詩興動宛如若刃發新剛

送蔣穎叔帥熙河二首

侍臣不合出都門為有威名藩漢尊戶部左曹回妙手  
匈奴右臂落清罇揮毫珠璧生談笑轉盼龍鸞在夢魂  
潮海一空何足道歸來黃閣坐調元

天馬蒲萄隔域門漢庭誰更勇如尊行臺曉日屯千騎  
祖道春風屬一罇莫許留犁輕結好便令甌脫復游魂

要湏盡取熙河地打鼓梁州看上元

和劉僕射感舊言懷寄蘇左丞左丞昔守南京僕  
射方為幕客今同為執政作此詩僕射詩略記其  
一聯云論文青眼今猶在報國丹心老更同

三禁提衡繫擾龍拜無燒尾有家風班行舊號青雲士  
賓主今為黃閣公炯炯坐屏雲母隔珊珊行佩水蒼同  
自驚初到蓬萊上便見驪珠出海宮

西城宴集元祐七年三月上巳詔賜館閣官花酒  
以中澣日游金明池瓊林苑又會於國夫人園會  
者二十有六人二首

春溜泱泱初蒲池晨光欲轉萬年枝樓臺四望烟雲合  
簾幕千家錦繡垂風過忽聞花外笑日長時奏水中嬉



太平誰謂全無象寓在群仙把酒時次王敏中

宜秋門外喜參尋豪竹哀絲發妙音金爵日邊棲壯麗

彩虹天際卧清深已煩逸少書陳迹更屬相如賦上林

猶恨真人足官府不如魚鳥自飛沈次王仲至侍郎韻

清明前一日李觀察席上得風字

病軀寒食百無棕偶到平陽舊第中池籞信為三輔冠  
杯盤真有五陵風美人賦韻分春色上客揮毫奪化工  
白髮漸於花柳薄但憐流水碧相通

次韻羅正之惠綿扇

吳扇新翻製素綿名郎持贈意俱圓有人充戶修明月  
無女乘鸞向紫烟供奉宜升清暑殿動搖合作御風仙  
誰知揮却青蠅輩功在春蠶一覺眠

寄新息王令藏春塢

令尹才高寺為空歲時行樂與民同旋開小塢藏春色  
更製新聲寫土風客向罇前忘爾汝路穿花去失西東  
無言媿女今焉在桃李相傳恨未窮

送劉承議解職歸養

征馬蕭蕭柳外鳴議郎歸養洛陽城登山尚記飛雲處  
罷吏端如棄唾輕為米折腰知我拙下車入里見君榮  
堂前嵩少宜秋色獻壽還應旋製聲

次韻王仲至侍郎會李觀察池上

螭口清漪下玉欄隔花時聽鳥關關酒行寒食清明際  
人在蓬壺閬苑間天近省闈卿月麗春徧戚里將星閑  
忽思歸去焚香坐靜取楞嚴看八還



慶張君俞都尉留後得子

天上吹簫玉作樓  
蟠桃熟後更無憂  
內家報喜車凌曉  
太史占祥斗掛秋  
龍得一珠應獻佛  
虎生三日便吞牛  
魯元福祿何人似  
坐見張敖數子侯

寄題趙侯澄碧軒

風流公子四難并  
更引清漪作小亭  
潤及玉階春漲雨  
光浮藻井夜涵星  
捲簾几硯成圖畫  
倚檻鬢鬟入鏡屏  
何日解衣容借榻  
卧聽螭口瀉泠泠

寄張文潛右史

一云次韻參寥子瞻  
時聞蘇除起居舍人

解手亭臯纔幾月  
春風已復動林塘  
稍遷右史公何忝  
初闕除書國為狂  
日出想驚儒發冢  
風行應罷女多桑  
東坡手種千株柳  
聞說邦人比召棠

次韻裴秀才上太守向公二首

東風已動北風歸  
寒氣侵尋自霽威  
何處管絃傳臘酒  
誰家刀尺製春衣  
使君英妙開蓮幕  
別駕風流出粉闈  
唯有廣文官獨冷  
終年如坐水邊磯

次韻太守向公登樓眺望二首

上客新從穎尾歸  
使君高會列南威  
風將沈燎紫歌扇  
雪帶梅香上舞衣  
翻樣雲團分御帟  
如椽蜜炬出宮闈  
會前方丈羅珍怪  
却訝犀燃牛渚磯

茫茫汝水抱城根  
野色偷春入燒痕  
千點湘妃枝上淚  
一聲杜宇水邊魂  
遙憐鴻隙陂穿路  
尚想元和賊負恩  
粉堞女牆都已盡  
恍如陶侃夢天門

庖烟起處認孤村  
天色清寒不見痕  
車網湖邊梅濺淚



淮海集 卷之九  
壺公祠畔月銷魂封疆盡是春秋國廟食多懷將相恩  
試問李斯長歎後誰牽黃犬出東門

寄錢節時節出為揚州從事新錄蕪簡參寥

論月柴門不浪開命車良為故人来茫然極目春千里  
尚想愁腸日九回綠水池邊聊復爾黃梁枕上信悠哉  
何時共約參寥子自擷青菁作飯材

贈劉使君景文

落落衣冠八尺雄魚符新賜大河東穰苴兵法申司馬  
曹植詩原出國風拈筆古心生篆刻引觴俠氣上雲空  
石渠病客君應笑手校黃書兩鬢蓬

荅龔深之

深巷茅簷日漸長卧看花鳥競朝陽惜無好事携樽酒

賴有鄰家振燭光尚友頗存書萬卷封侯正闕木千章  
錯刀錦段相仍至小子都忘進取狂

次韻荅裴仲謨

十年淮海間居草偶遣兒童次第成方愧貧家矜敝帚  
忽蒙鄰壁借餘明文昌但願花前老張翰何須身後名  
移病闔門參拜阻卧聽車馬去來聲

荅曾存之

環堵蕭然汝水隈孤懷炯炯向誰開青春不覺書邊過  
白髮無端鏡上來祭竈請鄰聊復爾賣刀買犢豈難哉  
故人休說封侯事歸釣江天有舊臺

春日寓直有懷參寥

觚稜金爵自岧峩藏室春深更寂寥捫風幽花欹露葉



岸巾高柳轉風條文書几上鬚髯變鞍馬塵中歲月銷  
何日一筇江海上與君徐步看生潮

次韻裴仲謨和何先輩二首

聞說何郎操行端蕭然環堵若為安鳥啼花發阻携手  
水遠山高空凭欄別後想多黃絹作春來尤厭惠文彈  
兩章讀罷知高義貴賤交情自古難

汝南古郡寡參尋兀兀長如鶴在陰支枕星河橫醉後  
入簾風絮報春深青山未落詩人手白髮誰知國士心  
多謝名郎傳綠綺愧無佳句比南金

荅閻求仁謝參寥彥溫訪於墳所

老滯城西木半摧崑崙岡下路新開故人此地銜憂去  
禪客他時問疾回聞為樹風增未感却因水鳥證西來

已謀寒食驅羸馬細聽清談動玉哀

次韻劉遜父以寧齋詩二軸作以還之

揚舲偶過海邊州一見名郎破百憂荀氏諸龍俱俊偉  
河東小鳳最風流明珠白璧堪投報細草幽花入獻酬  
別駕舊齋何足念文昌新府待公游

次韻何子溫

一星就起海隅傍縣弩前驅過射陽行見斯民無重困  
坐令吾道有餘光簿書不礙詩人筆猿鳥常窺使者章  
談笑自然群吏肅何須酒後次公狂

次韻宋履中近謁大慶退會館中

翠華初到殿中間三館諸儒共一班迎謁曉廷清蹕近  
追穿春仗綵旛閑病來怕飲東西玉老去慚陪大小山



知續春明退朝錄借觀當奉一鳴還

與鄧慎思沐於啓聖遇李端叔

羸兵瘦馬犯黃塵自笑區區夢裏身不是對花能伏老  
自緣無酒可澆春校書天祿陪群彥晞髮陽阿遇故人  
三百六旬如此少更添香火坐逡巡

和程給事賢閣黎化去之什

風流雲散越王城珍重閣黎願力成不使鄧尼驚倒化  
祇教白傅歎先行早因妙契窺曹洞竟以清芬繼肇生  
廻首中庭旌騎散月華還可一方明

再賦流觴亭

仙山遊觀甲寰瀛不比人間目雨亭歌斷瑤池雲杳杳  
酒行金谷水泠泠珠簾捲雨驚秋近羅襪凌波笑客醒

月下珮環聲更好應容揮麈伴公聽

燕觴亭

碧流如鏡羽觴飛夏木陰陰五月時清渭日長遊女困  
武陵春去落花遲玉笙吹罷觥籌錯蜜炬燒殘簪珥遺  
吳越風流公第一未輸山簡習家池

會蓬萊閣

冠裳蓋坐灑清風軒外時聞韻籟龍人面春生紅玉液  
銀盤烟覆紫駝峰天涵秋色山山共樹覺鄉思葉葉重  
便欲買舸江北去為懷明德更從容

次韻侍祠南郊

風馬雲車下九天郊柴初告帝心虔天如倚蓋臨壇上  
星若連珠繞御前縹緲佩環參雅奏岩堦樓閣抱非烟



侍臣舉酒欣相屬醉看參橫左右肩

與李端叔遊智海用前韻

點目誰能化兩龍超然相見古人風紅塵稍與僧家遠  
白髮偏於我輩公休計浮名千載後且欣湯餅一杯同  
何時並築邗溝上引水澆花半畝宮

和黃冕仲寄題延平冷風閣

冷風三伏是清秋雖有炎蒸不汝留滿地溪山歸藻井  
有時絲管下滄洲快哉便得逍遙趣偶爾還成汗漫遊  
誰謂發揮無妙手賦凌楚王有家丘

次韻謝李安上惠茶

故人早歲佩飛霞故遣長須致茗芽寒橐遽收諸品玉  
午甌初試一團花著書懶復追鴻漸辨水時能效易牙

從此道山春困少黃書剩校兩三家

次韻范純夫戲答李方叔饋筴兼簡鄧慎思

楚山冬笋斲寒空比客長嗟食不重秀色可憐刀切玉  
清香不斷鼎烹龍論羹未愧尊千里入貢當隨傳一封  
薄祿養親甘旨少蒲包時賴故人供

寄少儀弟

一隔音塵月屢遷忽收來問涕潸然栖遲冊府吾如昨  
流落江村汝可憐夢裏漫成池草句愁來空誦棣華篇  
卑飛暫爾無多恨會有高風送上天

九月八日夜大風雨寄王定國

長年身外事都捐節物驚心一悵然正是山川秋入夢  
可堪風雨夜連天桐稍撼撼增悽斷燈燼飛飛落小圓



淮海集 卷之九 試酒就酒中仙

林次中奉使契丹劉仲平出倅鄆州同舍十有六人飲餞于丁氏園次少蓬韻二首

送次中諫議

鮮車百乘使龍庭路指金燕古北平祖帳列山修故事  
行臺諸部奏新嚴留犁撓酒知胡意尺牘移書示漢情  
納節便應歸法從中途已報制書行

送平仲學士

須句別駕備儀刑陵谷初無見坦平七子建安推世藝  
五經中秘擅家穀南宮參綴端如夢東觀分攜空復情  
莫愛谿堂好風月早來龍尾道前行

淮海集卷之九

淮海集卷第十 絕句

秦觀 少游

寄孫傳師著作

上林池籞富春風十里宮青錯御紅應與少年修故事  
誤隨遊轂柳花中

泗州東城晚望

渺渺孤城白水環舳艫人語夕霏間林梢一抹青如畫  
應是淮流轉處山

戲雲龍山人二絕

芳草未應羞鴟鳩潛鱗終是畏提壺蔡經背上痕猶在  
更念麻姑指爪無  
選勝只携長脰鶴入塵還駕短轅車時人若問虛玄事



笑答無過李老書

圓通院白衣閣

白衣閣外遶朱欄人在琉璃菡萏間誰把此花為刻漏  
修行不放一時閑公闢首唱  
無邊刹境一毫端同住澄清覺海間還是此花并此葉  
壞空成住未曾閑  
一根反本六根同古佛傳家有此風滿目紅蕖參翠蓋  
不唯門裏獲圓通

照閣

彌猴鏡裏三身現龍女珠中萬象開未若此軒人散後  
水光清泛月華來

睡足寮寄震鼎二弟

與物無營但欲眠客來從笑腹便便秋生淮海涼如水  
得句還應夢阿連

次韻參寥見別

爐香冉冉紆寒穗篝火熒熒擢夜芒預想江天回首處  
雪風橫急鴈聲長

與倪老伯輝九曲池有懷元龍參寥

雲月娟娟淮海秋隋家池上共浮游可憐一段風流事  
特欠支郎與子猷

春日五首

幅巾投曉入西園春動林塘物物鮮却憇小庭纔日出  
海棠花發麝香眠  
一夕輕雷落萬絲霽光浮瓦碧差差有情芍藥含春淚



無力薔薇卧曉枝

袂衣新著倦琴書散策池塘返照初翠碧黃鸝相續去

荇絲深處見遊魚

春禽葉底引圓吭臨罷黃庭日正長蒲院柳花寒食後

旋鑽新火熱爐香

金屋舊題煩乙子蜜脾新採賴蜂臣蜻蜓蛺蝶無情思

隨例顛忙一作過一春

秋日三首

霜落邗溝積水清寒星無數傍船明菰蒲深處疑無地

忽有人家笑語聲

月團新碾淪花瓷飲罷呼兒課楚詞風定小軒無落葉

青蟲相對吐秋絲

連卷雌蜺掛西樓逐雨追晴意未休安得萬粧相向舞

酒酣聊把作纏頭

次韻子由召伯埭見別三首

孤蓬短榜沂河流無賴寒侵紫綺裘召伯埭南春欲盡

為公重賦伴牢愁子由詩云蒙蒙春雨濕邗溝蓬底安眠畫羅裘知有故人家在此速將

詩卷洗

青熒燈火照深更逐客舟航冷似冰到處故應山作主

隨方還有月為朋子由詩云筆端大字鴨樓壁袖裏新詩句琢冰送我扁舟六十里未嫌

罪垢汚

冠蓋紛紛不我謀掩關聊與古人遊會須匹馬淮西去

雲巘風溪遂所求子由詩云高安此去風濤惡還有廬山得縱遊便欲携君將船去念君

無罪去

何求



還自廣陵四首

薄茶便當烏程酒短艇聊充下澤車墳墓去家無百里  
往來仍不廢觀書

南北悠悠三十年謝公遺堞故依然欲論舊事無人共  
卧聽鍾魚古寺邊

邗溝繚繞上雲空坐阻層冰不得通賴有東風可人意  
為開明鏡玉奩中

天寒水鳥自相依十百為群戲落暉過盡行人都不起  
忽聞水響一齊飛

元日立春三絕

此度春非草草回美人休着剪刀催直須殘臘十分盡  
始共新年一併來

發春獻歲偶然同新曆觀天最有功頭上兩般幡勝影  
一時飛入酒杯中

攝提東直斗杓寒驟覺中原氣象寬天為兩宮同號令  
不教春歲各開端

次韻宋履中題李侯檀欒亭

陰陰數畝籜龍稠亭外危通一徑幽頗似竹林當日集  
酒狂莫笑阮陳留

春日偶題呈上尚書丈丈

三年京國鬢如絲又見新花發故枝日典春衣非為酒  
家貧食粥已多時

觀辱戶部錢尚書和詩餉糶米再成一章上謝

本欲先生一解頤頓煩分米慰長飢客無貴賤皆蔬飯



惟有慈親食肉糜  
夢裏光陰挽不回  
掩關獨坐萬緣灰  
偶因問訊維摩病  
香積天中施飯來

擬題織錦圖

悲風鳴葉秋宵冷  
寒絲縈手淚殘粧  
微燭窺人愁斷腸  
機翻雲錦妙成章

晚出左掖

金爵觚稜轉夕暉  
翩翩宮葉墮秋衣  
出門塵障如黃霧  
始覺身從天上歸

次韻蔡子駿瓊花

無雙亭上傳觴處  
最惜人歸月上時  
相見異鄉心欲絕  
可憐花與月應知

處州水南庵二首

竹栢蕭森溪水南  
道人為作小圓庵  
市區收罷魚豚稅  
來與彌陀共一龕  
此身分付一蒲團  
靜對蕭蕭玉數竿  
偶為老僧煎茗粥  
自携脩綆汲清寬

三月晦日偶題

節物相催各自新  
癡心兒女挽留春  
芳菲歇去何須恨  
夏木陰陰正可人

次韻東坡上元扈從三絕

赭黃織底望龍章  
不斷惟聞蠟炬香  
一片韶音歸複道  
重瞳左右列英皇

端門魏闕鬱崢嶸  
燈火成山輦路平  
不待上林鶼鶼嘯



淮海集卷之十一  
教坊先已進新聲  
伏下番夷各一群  
機泉如雨自續紛  
細看香奩旁邊吏  
却是茅家大小君

淮海集卷之十

淮海集卷之十一

秦觀少游

四絕

此贈道流蓋有四時  
意疎者失其序耳

陰風一夜攪青冥  
風定霏霏霰雪零  
遙想玉真清境上  
白虛光裏誦黃庭

其四

夜深樓上撥書眠  
天在欄干四角邊  
風拂亂雲毫髮盡  
獨留璧月向人圓

其二

天風吹月入欄干  
鳥鵲無聲子夜闌  
織女明星來枕上  
了知身不在人間

其三

本是匡山種杏人  
出山來事碧虛君  
上清欲問因何事  
請看先山十丈文

其一

奉別牛司理



淮海集 卷之十一  
堂堂先德擅才名詞賦高凌墨客卿之子妙齡初筮仕  
好修文史繼家聲

送酒與泗州大守張朝請

莫笑杭州別駕村昔曾柱下數承恩而今雖是江湖吏  
猶有當時七字尊

題柳陽道中一古寺壁二絕

門掩荒寒僧未歸蕭蕭庭菊兩三枝行人到此無腸斷  
問爾黃花知不知

哀歌巫女隔祠叢飢鼠相追壞壁中北客念家渾不睡  
荒山一夜雨吹風

又別牛司理

半年淹郵越溪濱好愛如君只數人解手莫令書信斷

故園桑梓幸相鄰

和工部侍郎新章

薨棟相連數畝中出門遙見大明宮朝元雖共浮丘伯  
煮茗還同桑苧翁

題金華山寺壁

鸞鶴同為汗漫游天風吹散下滄洲金華有路通元氣  
水繞高寒不斷流

次韻出省馬上有懷蔣穎叔

新淬魚腸玉似泥將軍唾手取河西偏裨萬戶封龍額  
部曲千金賜裹蹄

制詔行聞降紫泥簪花且醉玉東西羗人誰謂多籌策

止有黔驢技一蹄

唱首云

春雪京城一尺泥並鞍還  
憶蔣征西碧幢紅旆出關去一路東



風送馬蹄不論埃壘與塗泥封印還家日  
已西豈比元戎碧油下貌豨統帳馬千蹄

元祐三年余被召至京師從翰林蘇先生過興國  
浴室院始識汶師後二年復來閱諸公詩因次韻  
聊移小榻就風廊卧久衣巾帶佛香白髮道人還省記  
前年引去病賢良

客有遺予以假山石盆池者聞陳元發有石菖蒲  
作此詩乞之

瑟瑟風漪心為清更窺齒翠眼增明可憐一片江山樣  
只欠菖蒲十數莖

興國浴室院獨坐時兒子湛就試未出

蒲城車馬沒深泥院裏安閑總不知兒輩未來釣箔坐  
長春花上雨如絲

### 題趙團練畫江干曉景四絕

本自江湖客宦游常苦心看君小平遠懷我舊登臨  
鳥外雲峰晚沙頭草樹晴想初揮灑就侍女一齊驚  
公子歌鍾裏何從識渺茫惟應斗帳夢曾到水雲鄉  
曉浦烟籠樹春江水拍空煩君添小艇畫我作漁翁

### 夢中得此

縞帶橫秋匣寒流炯暮堂風塵如未息持此奉君王

### 寧浦書事六首

揮汗讀書不已人皆怪我何求我豈更求榮達日長聊  
以銷憂

魚稻有如淮右溪山宛類江南自是遷臣多病非干此  
地烟嵐



淮海集 卷之十一  
南土四時盡熱愁人日夜俱長安得此身作石一齊忘  
了家鄉

洛邑太師奄謝龍川僕射云亡他日歸然獨在不知誰  
似靈光

身與杖藜為二對月和影成三骨肉未知消息人生到  
此何堪

寒暑更拚三十同歸滅盡無疑縱復玉關生入何殊死  
葬蠻夷

題務中壁

醞頭春酒響潺潺墟下黃翁寢正安夢入平陽舊池館  
隔花螭口吐清寒

題法海平閣黎

寒食山州百鳥喧春風花雨暗川原因循移病依香火  
寫得彌陀七萬言

留別平閣黎

緣盡山城且不歸此生相見了無期保持異日蓮花上  
重說如今結社時

紹聖元年觀自國史編修官蒙恩除館閣校勘通判  
杭州道貶處州管庫三年以不職罷將自青田以歸  
因往山寺中修懺日書絕句於住僧房壁

郡後學張紘校正



欽定四庫全書

因書山寺中分日書器倫外

林師或須或州或朝三平以不

殿書字平職自因史論刻官

此本師長

此本師長





